

芝庭文稿



05369



彭文

藁芝

庭

芝蓮詩文集序

古之論世義者或曰無忝爾

祖或曰必復其始大率如孔

安國歐陽生之於經姚鼐之

於史董仲舒之於文學王羲

之於法書其術業之相承

錢序

有足述也如楊震之於彪袁

安之於隗漢之荀陳唐之蕭

杜其名位之相嬲亦足稱也

國朝文治蔚興宗工輩出而

海內言理學科目者則必舉

長洲彭氏云大司馬芝庭彭



公秀承其祖訪漁先生推闡  
高曾以來居敬窮理之學蘊  
隆積厚鍾秀產祥年二十  
餘即以南宮廷對連擢第一  
入詞林科名之盛與先生後  
先接武昔人以鳳皇芝草先

錢序

二

覩為世而貽于後世萃於一  
家是則薦紳所艷羨而不  
可必得者而公乃處之若忘  
抑然自下論者謂其磨礪浸  
潤德器渾成之克肖奇人有  
自來也既与予同趨



禁近同佐秋官相於最久自  
非奉使於外持節秉衡則  
直次公餘未嘗不聯茵接  
席退而晰疑攷古共抒所見  
性心契苔岑公後校士兩  
浙行至婺州携予集讀之

錢序

三

堯三四日不休玉序予詩謂  
可與吾禾文苑諸公相伯仲  
予愧不敢當然不可謂非相  
知之深者矣猶憶康熙乙酉  
丙戌間

聖祖時巡江尔訪瀕先生已乞



身在籍

特起為檢校全唐詩官予甫  
弱冠以所業謁先生於里  
第辱先生進而教之為語以  
力學持身之要中心謹識不  
忘竊謂宋王文正不志溫飽

錢序

四

明羅文恭不榮一第彷彿  
遇之也曾不三十年獲與公  
同館祿莫逆交兩人復以次  
懸車予則年臻耄耋公亦  
齒邁古稀嘗陰近主紫陽  
講席士之遊其門者服其



教垂欽仰其祖考之清芬相  
與登衣言之堂則典型具在  
覽東壁之亭則奎畫重光也  
公諸子之駟翩鵲起官中外  
有聲恪守庭訓惟謹公性尤  
嗜學居恆書史不去手所為

錢序

五

詩文俱有家法詩典則恬  
雅深得溫柔敦厚之旨文  
筆与年並進宗法在昌黎  
南豔豆間置之荆川震川兩  
家集中如月印川如車合轍  
昨歲辛卯祝



搬入都借入香山高會公堂  
乞予序至是申前約甚殷  
予卧病類唐未有以應獨  
念公与予交契之久微予無  
以得公之真即令祖先生之  
言論風旨其親炙而能道之

錢序

六

者之無幾人在也曰追憶七  
十年來四世交契之雅且  
述其祖孫間所以不愧科  
名者以為學者勸是為序

嘉禾同學弟錢陳羣序

年八十有八



芝庭文彙目錄

門人陳一鳴錄

卷一

賦頌



卷二

條奏

卷三

序

卷四

記碑傳

卷五

芝庭文彙目錄

神道碑志銘

卷六

志銘

卷七

志銘墓表

卷八

行述雜著

宋思仁

郭毓圻

汪美基

周日漣同校刊

袁廷樞

顧何昌



芝庭文彙卷一

長洲彭啓豐翰文

賦

聖駕再幸盛京賦有序

皇上臨御區宇宵旰維勤丕承

祖德於乾隆八年秋

駕幸盛京恭謁

三陵禮成慶洽迄今十有一年矣以瀋陽道里遼

遠未遑歲脩展謁秋霜春露時愴

宸衷遂以今仲夏祇奉

芝庭文彙卷一

賦

一

皇太后鑾輿啓蹕至熱河適西荒酋帥率部衆款

關內附爰賜酺宴行爵賞屆乎孟秋經行蕃部

遠逮吉林重詣陪京敬薦歲事臣幸叨扈從之

末用得瞻山川之雄厚民物之繁庶風俗之敦

龐愈信王氣靈長發祥有自足以綿億萬世無

疆之庥也敬拜手稽首而獻賦曰

維

上帝眷頤區夏大一統於

皇清溯丕基之肇造彰靈瑞於東瀛龍鸞蟠肅雲

霞蔚蒸西自山海東逮興京聿有帛綠江之浩淼



醫巫閭之崢嶸百神就職列嶽獻誠披輿圖於萬里奠鰲極於八紘時巡於邁適駿有聲罔計程途之遠遠無妨宿頓之頻仍惟仰承

昊天之篤佑上慰

列聖之英靈一至再至萬姓攸寧粵申舊章徵往律擇元辰采吉日積誠悃通呼吸伊仁孝之所蘊涵柔懷靡不震悚念納款以歸誠宜優容而撫恤臨重午而戒途即山莊以駐蹕見夫原隰眇眇城障粼粼林巒翠密隄植彬彬三十六景清暑無塵峙離宮於芳甸護

芝廡文彙卷一

賦

二

安輦於葱雲乃披瑤席設金尊置庭宴享炙燔敞軒墀于圃沼肅拱衛於輪轅宴賞畢蕭露注衆情歡流澤澍恣精純彌布獲憇爾車徒以謀遠馭重建旒而結旆兮遵脩路之委裕戒輕踐夫禾稼兮秩西成而紆赴躔析木而凌挾棄兮行髮髯乎天度經蒙古之部落兮咸恭順而悅慕篤親舊於宗姻兮頒金帛於府庫望龍箬而景燿翹兮浩平沙而少都聚設柳條以為邊兮築板升而屯戍欣雲日之遄臨慶太平之盛遇繫惟吉林之地遠在遼陽之東唐虞則地名息慎遼金則江分混同山有



長白祀典攸隆五峰環峙香樹龍葱積雪不消於  
炎夏祥烟如繞夫鑪峰緬風氣之剴勁屬統轄于  
閩戎昔年惟

聖祖曾一至今茲覩繩武於

皇躬瞻望

橋山肅迎英爽協萬國之歡心閱十年而祇饗優  
見備聞君蒿惻愴委繫祀兮從新非隆儀之襲往  
設遠延而垂袞裳挂遺弓於天仗赫蕭管兮升馨  
薦嘉幣兮用享祇祓齋宮潔清壇壤豆籩鼎鬯之  
輝煌牲牢壺濯之滌盪惟洞洞而屬屬愈巍巍而  
芝庭文臺卷一賦

三

蕩蕩初謁

永陵

始祖式憑配天立極矣禩相承

福陵在望

太祖永寧十三戎甲肇基勃興敬告

昭陵

太宗佳城文王勤止養晦愈明邈艱難於歷服將  
孝享于豆登天地明察純嘏誕膺

祖考綏福孝孫善繩蓋十年以前之薦馨既禮明  
而樂備斯十年以後之受祀更日升而月恒爰薦



周親敷大賚崇德報功膏澤下逮執豕酌匏之風  
尚存葛燈綃帳之澤猶在晶生業之在勤進耆老  
而咨誨故眷戀夫留都儼重過乎豐沛于是水航  
陸車雲合龍超椎髻羶裘之衆兜離禁佻之徒莫  
不獻琛貢賚舞蹈歡呼爰戒休宴習馳駟下長坂  
踐山隅逐麀廐豕狐旂旄斜轉采綉連鋪草枯  
曠野霜落平蕪獲看充物瑞紀昌弧恰秋獮之應  
令非射獵之為娛懿夫

皇上之宣示盛京賦也鴻文輝麗巨製裔皇洵足  
以孕靈育夏陶周鑄商今茲

芝庭文彙卷一

賦

四

六龍再動八駿騰驤穆然遠念赫然焯焯羅雲霞  
之繪包山海之巖勤恤匪懈震動為常百靈呵護  
兮既時行而時止羣生樂康兮亦宜雨而宜暘益  
足徵乾符之健運合德於悠久之無疆至于憑眺  
隆嵒經陟迢遞訪金源之故墟攷明季之舊制統  
朔漠為屏藩聯華戎為指臂撫龍蟠虎踞之形定  
磐石苞桑之治綏懷固在於文德訓練不忘夫武  
備謂保障惟賴人和而隄防非關地利東鷗西鯨  
不為奇紫芝銀甕奚稱瑞惟排纘夫道里之垓埏  
斯有當於章亥之測識大書



法駕之東巡可補盛京之通志是役也告祭長白  
直躋吉林計輿程之渺渺馳萬騎之駸駸特加恩  
于扈從預支給夫帑金俾征人暖如挾纊甲士備  
飾朱綬忘楊柳雨雪之瘁奏鏡歌凱樂之音渡飛  
梁于澗壑闢坦道於嘔噉盡海隅日出之境采

宸輿帳殿所臨且夫

聖孝彌深隆文益煥野廬埽路特親視問于儀鑿  
雲人給鮮每進旨甘於玉案宣猷頻沛郵傳聽政  
無忘日盱覽化工以成陰觸景物而揮翰仰瞻

霄落之高懸非復臣工所能贊然後從容返旆迤

芝庭文彙卷一

賦

五

灑揚鑣龍庭天山共震威名之赫弁元菟樂浪並  
標勳業之宮堯山環谷應夾道喧囂皆戴黃龍之  
翼神禹而欣日角之類唐堯去時置頓兮金風颯  
爽回日更番兮玉雪飄蕭幸荷詰戎之掌對揚展  
義之朝眺蒼茫之邊塞望紫氣於斗杓詎數橫汾  
宴賞羽獵遊遨撰于虛上林之賦賡白雲黃竹之  
謠也哉爰綜盛典而系以頌曰太陽中天六飛時  
舉鴻業駿龐神威暢溥祗脩裡祀越十一年威儀  
有恪仁孝彌虔闕外陽春華胥之境民庶阜昌邊  
圉永靖虹流電繞

萬壽令辰網城門外齊列朝紳  
帝謂汝民翠華數至睠此留都長享樂利長白穹  
窿滄海朝宗周之澗瀍漢之沛豐揚旌駛駢發矢  
追逐期門欣飛勇過賁育指掌圖繪帟幄經營糾  
桓有士蕃息在坻返自興京綏懷執競輝映虎華  
統握金鏡

芝庭文彙卷一

賦

六



神樹賦

維興京之蔥鬱兮長白之支龍

帝陵孔固王氣攸鍾包絡元會開運穹崇天柱沓翠而層合渾河縈流以朝宗聿有神樹寔覆

元宮擎非翠柏舞異蒼松天上星明象白榆之厯歷山中籟靜兆紫氣之熊饑繫夫渥葉綢繆亂枝夭矯遮紅日以迴翔接白雲而窈窕宛紀大椿之壽閱千歲為春秋同標若木之華暎扶桑而昏曉鼎湖駕遠綴玉輅之流蘇辰極垣深張華蓋之縹緲若夫踈踈淥淥得月裊裊籠烟本根峻茂枝幹盤旋芝庭文彙卷一賦七

質重輪囷擁金幢而高建勢迴磅礴振玉節之珊珊翮兮若鳳翼之翻紛其欲附矯兮如龍尾之掉逸莫能攀惟

神靈之降鑒委佳祀兮孔繁故夫享祀方虔升馨昭泰風蕭蕭兮有聲樹亭亭兮如蓋衣冠儼在崇壇宇以同歆弓劍式憑啓儀鑿而畢會上清雖遠覲咫尺於羹墻植物有知秉扶踈而醜醜我

皇上再勤法駕丕紹鴻圖躋

丹陵以瞻望撫嘉樹而盤紆念在十年以前青葱不改今當九秋之月滋液彌腴陽耀陰藏想勃興



之功烈岐山豐水思佑啓之規模將以繪寫風雲  
宣示圖牒邈肇造之祥符綿休徵於累葉

宸章賦物洒珠露以霑濡

聖孝永言盼霜峰之茂葉彼夫蕃廡有象感應咸  
亨著莖著瑞芝艸叢生崇槐層陰柅柳濃菁棗花  
含寔桃葉敷榮豈如鍾毓靈輝昭卜立卜年之綿  
遠歲徒行慶積愾聞優見之精誠永為臣民所景  
慕不佞草木之芳馨也哉爰作頌曰蔚矣嘉木龍  
葱倍兮氣稟地靈神真宰兮團盖倒影鬱蓓蕾兮  
瑞色鋪芬凝靄黷兮孝孫吉慶敬不怠兮至治仁  
芝庭文彙卷一賦

八

載兮



聖駕南巡賦有序

臣聞雲后省方咨詢徧於四岳周王時邁懷柔  
協於百神聘士問年古風未遠陳詩納賈成憲  
斯存矧萬民望澤之時當二月初旬之候宇宙  
之詠歌沐浴俱環繞夫

楓宸東南之杼軸酒漿更上闕乎

黼辰瞻雲就日慰望於十有六年輯瑞同書僊應  
在千八百國以孝思之維則當久道而化成豈  
直效河嶽之庥侈登封之瑞已哉欽惟我

皇上治洽平成道光經述握斗樞以建極至化翔

芝庭文彙卷一

賦

九

被於無垠秉陽德而用中休徵協應於有象純  
禧介

聖母璿琬耀復旦之華景福上

慈寧海屋紀添籌之祝負暄者思親舜日酌醴者  
願獻堯樽爰於今年正月辛亥吉辰恭奉

皇太后鑾輿巡行江浙遂以省觀民俗甚盛典也  
惟大江南北特蠲三百萬之積逋浙水東西更  
免三十萬之新額固已歡騰蔀屋喜溢茅簷矣  
猶念千乘萬騎之紛馳靡屨芻糧恐煩父老當  
水驛山程之置頓墜塗丹腹憲擾畊桑于是巽



命丕昭節宣豫定觸景而思民瘼隨時以沛深  
仁登萬姓於春臺行漏常披奏牘飭六條之計  
吏迴帆早放官衙無非率由舊章之隆寔出尋  
常輿望之外以故家豪華祝望帳殿而傾心戶  
戶然香覲周廬而稽首想懽聲之雷動莫罄形  
容聽比屋之風謠脩難縷述臣向叨侍從之班  
忝佐銓衡之掌學慙三篋每願影於花磚身在  
七車曾追陪夫

鑿仗嵩山雲氣與瞻紉縵之光河口濤聲載歌浩  
蕩之澤茲當

芝廡文臺卷一

賦

十

六龍南幸春旗之甘雨快桑梓以均霑况夫三月  
東風甲帳之煦和應鈞遊而可想念盛容於  
皇輅未獲景從奏嘉頌於康衢猶思屬和上祝  
慈宮之仁壽下叶兆姓之歌謠不揣弁鄙之辭願  
進賡颺之賦其詞曰

維星分乎斗野為揚州之隩區編

列祖之德澤大一統於方輿際重熙而累洽久渙  
髓而淪膏昭海宴河清之應輯金泥玉檢之符昔  
在

聖祖盛典蒿皇六巡江甸亦越



世宗湛恩汪濊特減浮租迨我

皇之膺運敬紹述夫前謨覽太平風物之有象匪江山遲日之為娛肇損上以益下聿渙汗而中孚始和布令陽春載途示急公之獎勸寬逋賦之追呼徧黃圖而擊壤胥絳縣以歌衢惟一視同仁之在抱遂觀民設教於海隅歲紀重光吉日既卜青祇效祥勾芒浣福

皇帝於是協元辰親祈穀整二龍之御駕六飛之轂奉

慈輿以承歡陳藻衛而祇肅迎皓月於上元綴華

芝庭文橐卷一

賦

十一

銜於平陸雪霏霏以清塵風習習而出谷攬齊烟之九點望岱松於極目憶賑卹於昨年輒祈禱夫豐熟徧原隰以抽芒咏來牟之率育迺停雲罕駐彩旂越汶水渡淮流榮光九曲瑞氣朝浮授疏濬之方略固隄防於上游河渠勞吏差甲乙之賞斥貧民無庚癸之憂蒼龍翼衛神魚躍舟舂徒擁楫榜人發謳練波萬頃蜺幘乍收對金山之塔影鎮鐵甕之潮頭穩趁春流空濛烟靄達梁谿指吳會閱村郭經吹澮挹精英軼埃壘人物喧闐溪山暎帶閨門之雲棟交橫茂苑之綺牖如繪燕舞鶯



歌花明柳媚奏簫管於雲中暎綺羅於仗外老幼  
扶携以來觀遠近喧攘而悅允  
聖心愉怡默乎愛戴或予在笥之衣裳或錫鈞鹿  
之宴賚煌煌乎綸綍之攸宣藹藹乎地天之交泰  
爰自三吳及於兩浙念海門之莫安由胥靈之効  
職鐵弩無驚金隄不溢路直如弦林平似櫛燕子  
迴綵仗之風竹枝唱綠簑之什月湧波來雲隨磬  
出繞藻舟以含暉依璇蓋而清蹕山盡錦衣花皆  
繡黻鏡湖隱遁之栖蘭渚清遊之室尋禹穴之香  
冥陟稽山之萃律緬懷河洛之成功不替雲仍之  
芝庭文臺卷一賦

烏矣然後迴鑣京口攬勝臺城洗齊梁之紈綺軼  
晉宋之簪纓眺三山之禿踞聽十廟之雞鳴脩明  
禋於勝國增守冢於孝陵風淒石馬月晃金鐙大  
禮和於上下至治洽夫幽明懿夫王政之大月令  
是程同律度正鈞衡隆壽考禮耆英惠黎庶免役  
征刑罰省嘉肺平宥前愆於格外復舊職以加榮  
觀劇易之邑察循良之聲肆戎韜於武衛增泮額  
於儒黌擢俊才於上第羅彥士於西清大法小廉  
之交飭春華秋寔之齊登宜乎人遵令甲而物慶  
由唐猗歟閭闔之衆環向屬車之前樂春暉於化



日賡夏諫以祈年雲籠雉尾瑞繞香烟

慈懷允愜

聖孝彌宣錫類既均於萬國祝釐屢晉於九天山  
圍繡幄水暎瓊筵竹筍江魚調來蘭膳菱歌蓮唱  
譜入薰弦於是虹光藻發雲漢輝聯賦廣陵之玉  
樹咏滄浪之清漣鳳舞龍飛之勢茂林脩竹之篇  
古刹琳宮之幽邃名泉秀石之婣娟吳歛越唵被  
王風而歸醇雅霞箋綵筆經

宸咏而倍鮮妍惟志和而聲正乃愠解而化甄

聖主詩成於頃刻群工橐筆以遷延至于行幄所

芝庭文橐卷一

賦

十三

臨

鑾輿所駐德在昭明情敦樸素供帳皆水衡之錢  
編戶無黃封之樹但凡淨而窻明何楸塗而金傳  
戒物力之奢侈廣蓄儲之饒裕魚稅無征蕞羹可  
具一豫一遊為補為助願介祉以慶成共希光而  
景鶩永諧箕畢之占星常保東南之富庶考昔封  
梁父秩汾陰賡曲水射華林雖鋪陳夫藻麗未盡  
協於規箴孰似夫聲教之漸被握中心以鑒臨泣  
青郊而警蹕儼黃屋以齋心粵功巍而文煥要勅  
幾於一欽觀衆情之悅豫集福應於悃忱歌浩蕩



於天地發揄揚於古今雖叩淵雲之古調摠燕許之高塗亦無能敷陳盛美而揚扞高深臣謹拜手稽首而獻歌曰玉燭調兮膏露覃

六飛駕兮大江南庭陳瑞兮萬寶函山川普覽兮風俗諳返樸還淳兮化育參又歌曰

帝車旋兮貫珠斗慰輿忱兮望幸久天臨海鏡兮光明八牖錫祉羣生兮仁滂施厚川至日升兮如南山壽

芝庭文彙卷一

賦

十四

南山壽

長階八闕

帝車旋兮貫珠斗慰輿忱兮望幸久天臨海鏡兮

風和語

六飛駕兮大江南庭陳瑞兮萬寶函山川普覽兮

風和語

三萬金布無輪

蘇天賦



哨廉賦

蓐收執矩少昊治秋火行司燿秩祀羈賸我  
皇憲金令行田蒐齊三鈇整九旂張天網駕天鈞  
掌舍設柵田路鳴騶澤靈萊野羅氏獻羞屬壁壘  
以營陳詔罕車而設眾星弧迅奮以方攘八魁屯  
曲於山陬乃有伊尼之族或羣或友戢影遠蹊潛  
形林藪塲訝叮嚀臨殊踏夙駢田偏反搜速索偶  
迹人來告其祈孔有何以格之匪置匪留一哨長  
林下無遺走爾乃明星晷晷白露曖空雲衣駸駸  
月御朦朧迺卒清候期門戒戎起封巖之紆譎睇  
芝庭文彙卷一賦



伐時止時作或奎踔而示強或盤桓以見弱時救  
率以嬖姍羗目貽而心愕見夫蜜利迦羅呼羣引  
黨尾從但而依林角芟芟而避鬼始才于弓中輟  
漸移心於激響終聆音而徑前乍奮情於孤往力  
怯者幟厯以窺閭軼羣者擅場而挾兩意濇躍以  
振踊欣命匹弓接壤已踉蹌而徐來猶神駭而志  
惘俄脫帽以突叱遂目迷于塵坱當斯時也駸瞿  
奔觸悽遽忘趨呼急鎗命烝徒罷不靈發藪無巖  
逋向者億億俟俟之儔他他藉藉填溢乎山隅亦  
有少決多疑心戰股慄劣弱者聞聲而躡竄僮狡  
芝庭文彙卷一賦

者奔驟而行疾則有中黃飲飛之士列及鑽鉄中  
必洞雙百不失一

帝乃開一面之網占三駮之吉謂夫即庶無虞失  
得勿恤非义簇之所攬捕非竿芟之所控畢罹法  
者胥殲守分者使逸走險者奉義以明刑藏湟者  
奉仁以施郵聿昭文德則呦呦歌於賓筵乃象武  
功則虞虞頌於吉日將以暢

皇威嚴師律協羣歡數軍寔神武之事既該而上  
下之情壹矣若夫張竟野之羅荷垂天之罽是猶  
棘林螢耀而與夫檮木龍燭也豈並軌而同術也



我舉苗終息行騎焯輪罷均勞賜既酌鳴鐘庶空  
察貳采侍從之歡謠傳屬車之勝事遂作歌曰我  
皇勤政懋弛張兮昧旦丕顯固敢康兮田車既飭  
日則劄兮蠶略麤綏紛騰驤兮鹿鹿攸伏機相忘  
兮爰識銅牌散瑤光兮爰啣仙芝阜嘉祥兮倚之  
角之戴星霜兮肅行秋令順白藏兮日未靡旃返  
我行兮綱為周陸陋長楊兮

芝庭文彙卷一

賦

十七



林屋洞賦

有序

道書洞天三十有六其第九為林屋名為左神  
幽虛之天窈窕硤研不可名狀洞有三門會於  
一穴秉燎而入境盼奇詭至隔凡靈乃裹足焉  
或言地道潛行通巴陵王屋峩嶻羅浮地脉之  
靈竅譬人身有膺穴說非虛誕而世固罕有窮  
之者也

太湖滉漾包山巖窳遠吞三萬六千頃攢列七十  
有二峰楸柚離離丹黃暎日松篁颯颯綠縹搖風  
際晴初與霜旦辨蠟屐與唵筇啓天后之便闕訪  
芝庭文彙卷一賦

六

左神之靈蹤夫其元關外鍵復道中迤門列三重  
路穿萬里度華陽兮地脉通攀泰岱兮仙掌起西  
連我嶠之峯南極羅浮之趾矧瑯琊東武之潛行  
復長沙巴陵之遠徙其始進也露乳滴瀝陽光熹  
微山峯峒以歌出石玲瓏而倒垂既津液之溫潤  
亦彩耀而陸離遂逡巡以深入疑曩歷之可窺其  
折而入於腹也路轉鉤梯門如甌覆既昏黑而窈  
冥復窪窪以險促乃握火鈴秉明燭踐凹凸之重  
高歷燒峴而九曲初則偃僂繼乃匍匐蟻附而蹙  
起蛇行而竄伏出險步兮頻驚魂盼仙踪兮忽在



目則有金庭煜燦玉柱輝煌琢石為室鏤銀為房  
素几如漆碁局橫牀瓊膏瀉溢芝艸芬芳魚穴龍  
盆之玩金書玉簡之藏聽神鈿之憂戛叩石鼓而  
琅琅於時異蟲飛出白蝠成行燈炬撲滅巖扉無  
光覩百靈兮恍忽問前路兮蒼茫緬昔似王導濬  
會稽徘徊感元纁於夢裏藏寶錄於山隈歷三代  
而猶秘踰千年而莫開闔閭之世靈威乃來行七  
旬而始出獲三卷以持回何丈人之一去復嶮石  
之下頽金臺嶙嶷鐵鎖雀鬼不見晴日但聞轟雷  
欲賈勇以前往造目眇而心哀爾乃躡踪靈無恣  
芝庭文彙卷一 賦

目察朗蕩遺塵跡煩想被素衣以遊翺結雲軒而  
來往瞰幽谷兮不見人歛靈關兮寂無聲悵塵凡  
之永隔誰能懸舉以遐征乃為歌曰包山之麓靈  
威宮洞上下兮徹西東欲往瞰兮路難通渺乘氣  
兮御遠風禹書秘笈何季封神仙咫尺不可逢嗟  
我生兮羈樊籠安得左神公子携手相追從



藏珠於淵賦

以藏珠於淵南  
華妙蘊為韻

懿無為於天德契循道於蒙莊富萬有而不宰置  
徑寸而相忘靈與委蛇體清泠之得性精通洵漠  
任玳璣之深藏初何索而何遺無欲自足聽或還  
而或徙與物皆昌繁彼靈澤寔產元珠璇源屈曲  
碕岸縈紆澄月浦之幽輝蚌胎盈孕動風潭之素  
鬣鯨目清靈沉溷濁而逾鮮光凝有耀託靜深以  
自閔澤潤無枯若乃絕流湍急斷岸沮洳垂綆索  
而下采並瓊玖以相矜燕則矜其懸室魏亦炫夫  
照車顧太朴之已漓精華欲竭念靈根其何在蘊

芝庭文彙卷一賦

二十

抱終靈惟詰人之繕性祛俗情之所偏觀已私之  
非利識內蘊之如淵德至同初且與命而無間物  
成生理詎與我以為緣匪捐泉而却遠物乃反性  
而合自然是知動惟無朕靜乃可叅外鑠者其本  
先撒天全者其章內含得一以寧塵滓莫櫻於方  
寸惟精允執概絨自關於淵涵稊米在倉崖涘欲  
窮於海北均堂置芥逍遙直溯夫溟南故夫摩尼  
靈假如意空花藉智光以為喻知韜事之已差黃  
屋非心寧論一篋之寶覺遠廬是適莫憐四照之  
光華原匪遺弓究誰得而誰失豈伊府海要孰近



而孰遐顧治世之樞機亦學人之體要惟返觀而  
識其本初斯靜悟而觀其奧窔主宰非虛賦形惟  
肖紛華戰勝莫誇山澤之臞冥穆裊始識行生  
之妙假物非遙寓言自近濬化機之靈源啓神工  
之默運鑄陶堯舜返乎純白之先囊括孔顏會乎  
靜虛之蘊譬諸秋水濠梁之白莫罄名言詎等神  
人河漢之詞無闕至訓

芝庭文臺卷一賦



頌

聖主躬畊藉田頌有序

臣聞詩咏載芟以祈先穡禮隆秉耒載紀元辰  
粢盛潔薦明禋保介耒申咨茹靈雨零而土膏  
脉起協風應而春扈呈祥鸞輅蒼龍不為豫遊  
玩物青旂縹軌總曰稼穡勤民先時之令甲攸  
昭萬彙之由庚自協欽惟

皇上德同天覆澤竝春溫覲光揚烈之思軫民依  
於宵旰府脩事和之治敦政本於農桑蠲賦貸  
租覃敷禹甸歌衢擊壤徧戴堯天典禮精詳繇

芝庭文彙卷一

頌

廿二

王制周官而竝舉儀文美備邁唐宗宗祖以如  
隆特舉耕儀式彰慶典化洽三年之久解澤行  
而允和令逢二月之辰豫雷鳴而出震甸師除  
路封人墻宮致禋祀於先農青壇嶽立必精震  
於吉旦翠幙雲張京兆陳瓶司農撰器臣工協  
力輿衆同情旌旗黼明庶之風兼笠潤霏微之  
雨貯青箱之粒粒僊種如珠瞻白壤之昉昉神  
皋似雪和聲樂作譜薰曲以悅康勞酒觴盈祝  
華封而忭舞杏花萼葉彙編月令於齊民瑞麥  
嘉禾寫入幽風之圖詠臣職司記注身綴班行



聽玉輅之鳴鸞幸仰恩光於咫尺護金根而載  
耜欣瞻盛典之煒煌地接堯阡才未諳乎教稼  
風揚夏諺志寔切乎省畊爰隨亞旅之儔再續  
大田之詠謹拜手稽首而獻頌曰

惟

帝率育惟農乘時耒耨之利寔祚丕基自上下  
躬先導之  
帝曰俞哉咨爾岳牧若時遵行心周部屋康功田  
功化宣甸服供祀必親匪假以文訓農敏作民生  
在勤明德至治馨香發聞

芝庭文彙卷一

頌

三

帝親莅心於彼南畝黛耜在懸洪縻在手數加五  
推培基孔厚儲儲老農冠帶而歌願興霖雨滋我  
田禾飛甘洒潤應候無訛思文配天久崇追報晬  
食宵衣雍宮肅廟敬奉章程我

皇之孝三時胼胝念彼兆人錫以繁祉煦以陽春  
勤恤民力我

皇之仁時雨昔暘王省惟歲萬物熙熙貽我樂利  
孝弟力田以永厥世

帝稽肇啓神倉載儲一莖兩穗史牒頻書寔唯豐  
年人歌樂胥



聖主臨雍禮成頌有序

臣聞道啓千秋觀宗廟百官之美富教彰四術  
備詩書禮樂之輝煌辟雍鐘鼓維新泮水鸞旂  
親莅園橋門而觀治永平持紀嘉徽賁國學以  
崇文貞觀尤推盛典凡以脛德脩而萬民化端  
由師道立則善人多欽惟

皇上學深念典功懋績熙性道文章允符一貫金  
聲玉振爰集大成易黃凡以尊崇輝生榘栴仰  
宸章之璀璨額時雲霄育士多方誦讀悉資膏火  
賜書盈篋編摩盡捧琳瑯百官承式以維震九叙

芝庭文彙卷一頌

廿四

可歌而用勸爰於季春之吉肇舉臨雍之儀玉  
輅雷鳴鏗華鐘而警蹕霓旌日麗照璧水以呈  
輝穆穆

天心誠通几席雍雍

王度肅薦馨香鏗爾金絲響徹藏書之壁歸然車  
服傳來習禮之宮既釋奠於

先師復開筵而進誦揭中庸之旨天命攸昭緡堯  
典之篇帝光永被本先知先覺而牖迪合有德  
有造以陶成惟峇賢喆雲初賚恩獨渥賓興後  
造額數加增弟子三千雷杏壇之時雨都人億



萬沐槐市之和風黃玉赤缸再見嘉祥之集紱  
麟歌鳳彌彰至德之華臣珥筆西清乏鴻父之  
黼黻扈遊東序附駿奔以趨陰釋禍有年夙志  
寧存溫飽譚經無術匡居自愧迂踈欣盛事之  
恭逢敢颺言而作頌詞曰

猗歟緝熙天申成命紫宮齋心明堂聽政

帝容天開星輝日鏡迺脩三雍於論鼓鐘元化陶  
冶車書大同會其有極望道彌冲維嶽有宗維源  
有泗聖承道揆於鑠顯懿與天地參褒崇聿至亦  
黃其瓦炳灼殿楹秩秩籩豆潔粢豐盛

芝庭文彙卷一

頌

廿五

乘輿釋奠大昕鼓徵

帝曰俞哉經筵載啓疊疊德音恢恢與旨念茲典  
學循環終始莘莘胄子階已成行濟濟章縫觀瞻  
相望禮門義路入室升堂晶爾多士古訓是率惟  
此傳薪衛道孔切毋采春華而忘秋寔  
聖朝熙洽人文化成珠聯璧合聚於神京道宗六  
籍光被八紘大禮既張儒風丕振俗尚敦龐士宗  
先進作君作師是行是訓



恭慶

聖母皇太后八袞萬壽擬宋臣歐陽修五方老人

祝辭謹序

懿夫恒德化成上瓊禕之曼壽坤元厚載溯錦  
悅之儲祥推原茂休升恒是祝載稽符應善慶  
兼崇是以螺祖親蠶慶都毓聖有卽裡祀沂履  
武於姜嫄周室篤生緬徽音於太妣尊臨長樂  
欣愛日以方舒養合九州仰慈雲而普覆自古  
稱隆於今尤盛欽惟我

皇上至德承

芝庭文藁卷一

共

天洪施匝地仁漸義浹風俗進於純熙德洽道豐  
老者得所遂養昨歲上章恭逢

聖壽龐眉鶴髮之侶咸扶杖以來朝赤松黃石之  
儔並書名而入奏規

帝治之巍巍成功不有沐

王風之皞皞謙德彌深惟合萬姓之臚歡統介  
慈寧之景福茲者恭逢

皇太后八十萬壽之辰瑞籙彌新用懋祝

釐之禮元功廣被爰推錫類之恩乍啓蹕於天津  
春風徐動更鳴鞭於梁父海日初升杏苑花敷



榜明五色芹宮藻舞鶴立千人念稽事而思艱  
發倉遠賑省刑章而肆赦決獄惟平禮遇高年  
遠軼賢能之選秩增上壽非惟更老之榮歡聲  
遍於羣黎和氣蒸於方域若乃羅義舊種携老  
幼以瞻雲衛拉名藩効干城而覲日北庭送喜  
給耕牧以資生西旅歸誠因蒐田而賜宴凡此  
懷遠招攜之略適當迎釐錫福之辰于時律應  
黃鍾日迎長至扶

大安之輦彩燦龍袍集

長信之門雲開雉扇陳筐篚於萬國金范

芝庭文藹卷一

七

璿圖奏韶護於九天珠聯

玉座移來蓬島增雲海之澄鮮開徧瓊葩快物華  
之綺麗丹青王會重開立本之圖滲漉天施羣  
進相如之頌茂矣美矣唐哉皇哉臣久息蓬萊  
重瞻魏闕敢盡揄揚之義用抒忠愛之忱第思  
吳歛越吟夙沿故習衢謠壤擊恐臨陳言謹做  
宋臣歐陽脩五方老人祝壽文辭徵玉笈宣樂  
愷之風聲宴溯瑤池效襲軒之鼓舞云爾  
金雞仙史雲關真人班居五岳之尊秩視三公  
之貴逍遙七十二代天地為春往來五十餘盤



烟霞結契虞柴鄭祀能揚昔日之遺蹤漢柏秦  
松備悉當年之軼事今則時當燕喜代是文明  
玉簡金泥陋登封於徃代和風甘雨酬嘉貺於  
靈祇有善歸

親與元君而合德曰仁者壽並梁父以齊年爰離  
日觀之峯來拜

金根之駕獻仙桃於曼倩五色光凝進棗實於安  
期百昌瑞集遙望

天庭敢進祝

聖之頌

芝庭文藁卷一

共

明庶風來三島間慈雲冉冉護天闕願傾東海  
成金液長駐千齡

壽母顏

右擬東方老人祝辭

棲神華嶽寄迹秦川臨絕壑而仰岑崖伴鸞侶  
而招鶴駕金莖掌畔服甘露而長春玉井蓮邊  
勺神漿而不老峯名落鴈曾見李白之題詩硤

彌希夷屢聽陳搏之講易今則

春暉廣被壽域宏開唱寶雞於陳倉祀隆郊時來  
天馬於大宛路涉流沙三壽作朋擬獻咒饒於



幽土五靈協響還迎雲輦於墉宮爰傾葵藿之忱用慰蒼苓之慕長庚朗耀偕南極以齊輝玉女來翔會銅仙而獻福遙望

天庭敢進祝

聖之頌

金風習習起西池正是千年果熟時攜得瓊筐來介

壽承華殿內佐金庖

右擬西方老人祝辭

嵩門故老石闕幽人曾操脩月之斤暫辭天上

芝庭文藁卷一

芄

偶伴種花之士來到人間洗耳池邊笑傲渾忘歲月棄瓢巖畔徜徉備歷星霜乘風聽緱嶺之笙倚杖拂貝多之樹今則羣蒙

慈蔭共仰

坤儀

德秉黃中觀順成於四序

道開皇極遵彝訓於

一人驗河洛之貞符福備九疇者五卜風雨之和

會呼聞萬歲者三遠離少室之間欲謁

瓊華之闕星輝雲縵瞻復旦之耿光岳貢川珍賂



億年之厚德遙望  
天庭敢進祝

聖之頌

太室嶙峋上接天  
霓旌孔蓋自回旋  
宜陽女兒今猶在  
好炷爐香祝

萬年

右擬中央老人祝辭

備位離宮鎮茲南  
服秉炎德之長養  
鬱天柱之崔巍  
采藥岩前倚赤松  
而容與鍊丹臺  
畔駕白鶴以翱翔  
禹探委宛之山  
曾披靈笈天闕  
朱陵芝庭文藁卷一  
三

之府特錫神區今者

繞電摘符

流虹耀牒萬安制  
朴無須栝柏之材  
大練風溥奚藉羽  
毛之貢以天下養  
正逢琴奏南薰與  
老人期還見山徵  
眉壽傲迎祥之盛  
舉希游渚之仙蹤  
羲叔占星三百六  
旬歲將轉祝融繼  
照七十

二峯雲可乘遙望  
天庭敢進祝

聖之頌

羣將臺杞頌無疆  
擬似南山壽更長  
萬國此時



皆拱北

至尊親捧紫霞觴

右擬南方老人祝辭

棲神北岳寄跡恒巒上應畢昴之精下鎮幽并  
之地曾逢元石畫一醉於中山繼遇張公避三  
徵於唐室挂雲侵月探桂華松影之奇夏冷冬  
暄歷幽澗飛泉之勝今則

樞星朗耀黍谷回春覆庇羣倫象北辰之居所胚  
胎萬彙協坤道以攸寧三階平而風雨時共樂  
生成之福五穀熟而民人育咸登仁壽之天效

芝庭文藁卷一

卅

代馬之依風慕燭龍之銜日在陰鳴鶴方登千  
歲之期擊水飛魚欲奮九霄之路遙望  
天庭敢進祝

聖之頌

履始書雲物候新香盆菴戶祝昌辰

思齊文母仁風被徧與寒崖草木春

右擬北方老人祝辭



平定兩金川大功告成頌

謹序

蓋聞八紘廣覆不遺於繩行懸度之鄉四極宏  
包克周於槃木無雷而外覩妖星之雲淨荒徼  
攸寧調玉燭於天中蠻陬永奠絲綸密勿乃左  
右史所不勝書威武奮揚為義軒來所未曾有  
欽惟

皇上聖武懋昭神功丕運率土荷好生之德溥天  
仰亭毒之仁蕞爾金川敢行梗化近則依譴拉  
以負固遠則恃促浸以雄張始為豕突之攻繼  
作雞連之勢僧格桑狼還依狽索諾木獮又生

芝庭文藁卷一

世

罷同惡罔悛輒磨牙於鄰部貫盈不治將飛鏑  
於邊城昔寬一面之誅彰

聖人之大度今赫六師之怒示

天討之無私爰簡元戎分叅碩畫統吉林之勁旅  
電掣榆關練川蜀之土屯星馳井絡陰崖捲甲  
指美諾而開牙密箐飛書掃獨松而置壁螳臂  
當而轍爛絕鼠躍而技窮劉疊嶂之千尋地鳴  
鼓角駕懸流之萬仞雷震砌樓羅博瓦鳥道先  
登康薩爾羊腸直擣早洗蕩勒烏圍之地旋掃  
犁科布曲之區三窟狐空一車檻送六軍饒吹



新翻巴剌之歌百姓壺漿爭獻卮酒是皆我

皇上獨持廟筭廣運神威金鏡在懸萬里之山川如繪太阿手握九天之步伐先頒仰純佑於昊蒼逋囚斯得苟成功於

烈祖險隘胥平玉檢金泥

詔出九華之賜彤弓盧矢爵加五等之封喇嘛寺之功勳銅柱燕然並紀紫光閣之畫像雲臺麟閣俱傳寶甕恒春萃歡心而承

大慶瑤光貫昴攄衆志以集

芝庭文藹卷一

世

鴻禧隨於凱奏之期舉行郊勞之典巡先二月虞廷脩輯瑞之儀嶽長五宗周頌紀懷柔之盛展受脤於在泮肅業望於升中免一路之租庸春祺廣被添中阿之選俊化澤均沾舟泛津門暖日映桃花之浪馬嘶上苑和風吹楊柳之旗冠帶簪紳咸切觀光之志侏離儻任益昭同軌之休臣昔備中樞常游禁苑灑三春之麗藻頌筆

多慚緬九伐之明威橐弓有慶仰

聖心之虛佇不侈夫銀甕金船闡

帝世之休徵何羨乎白狼朱鷺爰拜手稽首而為



頌曰

於鑠王師桓桓神武震伐不庭深入重阻赫赫振  
振如羸如帛彼岨金川有截其所

蠢茲蠻服天闢蠶叢懸流百折絕磴千重蛛集鳥  
外蟻坵雲封恃險驕棘狂孽萌凶

自昔披猖弄兵幽介寥廓無垠置諸度外曾是不  
懲狡踵故態匪怵以威用作戎戒

帝赫斯怒披圖簡率殛命元臣致誅天末七校迅  
騰五丁歟忽越壺揮戈超林懸敵

嗟爾逆醜粗合陰離苟順而撫莫逆不來叶其頽

芝庭文藁卷一

苗

可誅其愚可悲既勦絕之又生擒之

王用三驅義昭顯比何為彼昏自取殄殪鼎假游

魚穴矜蟲臂旋見焚巢豨突內燬

天網宏頓神武丕宣載扼其吭載截其肩脫角挫

脰破銳摧堅捷書七日達於甘泉

延禧肇慶歸善

慈寧香清岱麓瑞集

柝屏邁古封禪大猷是經炎風朔雪來享來庭

惟

天惟







芝庭文彙卷二

長洲彭啓豐翰文

條奏

進講經義劄子

乾隆三年

行爵出祿必當其位

臣按盛夏之時發生方遂大君行慶賞之典所以順天時也太尉先儒以為秦官傑俊謂有才贊則引而升之賢良謂有德必遂其行道之志長大謂有力者則舉建而用之然猶恐有濫及也故申之曰爵必當有德之位祿必當有功之位書曰天命有德五服五章哉記曰爵人於朝與衆共之人君馭羣臣之柄莫大於此設有不當而徇一己之私好則必無以正朝廷正百官也臣愚竊謂所以使之當位者一曰尊宰輔以崇其體二曰恤羣臣以達其情三曰久任使以專其職明良之世泰交一德君不疑其臣而臣自不欺其君至於懲大臣之專擅戒羣情之勿黨此為夫主威不立庶政不修者言也若夫英明素著躬親萬幾宵旰憂勤無時或替其左右之大臣必有耆艾碩德從容朝廷之上以培養元和自能汲引善類扶植忠良豈有威

芝庭文彙卷二

條奏

一



福自擅分張門戶以自取傾覆者故曰任賢勿貳去邪勿疑既知其為賢則布以腹心隆以禮貌此國家體統所關而凡陳力就列者皆有所倚重矣至如小臣雖僅邀一命之榮沾代畊之糈未能當大任與大議然自其讀書稽古之日積思展布已久矣蓋今日之小臣即他日之大臣故聖王每優恤而厚期之其厚期之至意尤在作其敢言之氣有時大臣不言而小臣言之不可以位卑言高為罪也臺諫之官以言為責固當責以盡言即翰林曹郎亦宜令分班陳奏講明經術敷陳庶事朝

廷耳目既廣自能贊成清明之治臣下支體輻輳亦摩厲而不至於廢棄此安望而獲用人之至計也天之生材至不齊也人之抱才不相假也有嫻於文雅未必長於韜畧者能理錢穀未必能理刑名者即如虞廷諸臣兵農禮樂各有專司一官終身不易其任以皋夔稷契之才未聞其兼綜而互理者何歟若甫履其地旋改而之他叩以政務必茫然莫辨亦有明習其事而不肯精心以辦理者夫既定三載考績之典則黜陟幽明約以三年為斷非有大故不輕去位俾人與官相習官與事相



宜推之郡邑守令有民社之責者使果吏習而民  
安宜仿古者增秩賜金之制即有殊擢亦不遷其  
地則惇大成裕之風與明作有功之效相輔而行  
矣古者累日以致貴積久以致官銓叙之法莫善  
於簡要莫不善於煩瑣刪訂冊籍判別歲年吏胥  
不得顛倒其間而後畫一可守况人才之造就亦  
必優游漸漬俟其有成苟非有竒材異能震驚儕  
俗之望寧循循焉守資格而不變既可免壅滯沉  
淪之嘆亦足息覬覦奔競之私履之象曰君子以  
辯上下定民志禮之為叙秩然不可紊能使民志  
寧一官人者亦較量先後秩其次第則章程釐然  
志氣恬然矣凡此三者要在人主之一心公平正  
大息去偏私親賢遠佞舉錯自得其當乾坤之量  
無不覆載日月之明無不照臨所謂正其本萬事  
理者也書曰百工惟時撫於五辰庶績其凝蓋四  
時皆然不但盛夏之月也



動則左史書之言則右史書之延平周諤曰天子之於事則無為而其所為者言動而已

臣按周官有左右史記言記事即今起居注官之所本也漢武帝有禁中起居後漢撰明帝起居注自魏至晉則著作掌之唐六典有起居郎二人上掌天子之動作法度以脩記事之史又有起居舍人二人上掌天子之制誥德音以脩記言之史宋世號起居注者多以館閣官兼掌之朝會對立於香案前常日則更番遮直於崇政邇英殿明初起芝庭文彙卷二條奏

居注為專官隆萬以後乃歸之史官至今因之夫古人君恭己南面中心無為以守至正所謂戒慎不覩恐懼不聞者既存存不已又恐耳目之所接不大為之坊而此心或冒貢於非幾於是立之監佐之史盛則為丹書之戒衰則有祈招之歌而又記其起居編諸簡牘誠以人主之一言一動即社稷安危之所繫天下治忽之所本不可不謹也唐臣杜心倫云臣職當脩起居注不敢不盡其愚直若一言乖於道理則千載累於聖德非直當今損於百姓也觀於此者雖欲不日慎一日其得已乎



昔唐太宗欲觀貞觀記注所錄何事褚遂良不與  
君明臣直於此可鑑自唐宋以來慎重茲選所為  
當用第一流者惟是之故願臣何人濫膺斯任密  
邇德音陪侍

經幄區區之誠常願

聖心湛然終始如一凡一言一動務求閑邪存誠  
上合乎

天行之健接堯舜執中之傳恭己南面無為而天  
下治焉書之簡策炳然與星日為昭垂千秋之彛  
訓至內返臣心亦惟夙夜匪懈回事敷陳積誠感  
芝庭文彙卷二條奏  
五  
動庶得効拾遺補闕之忠而不徒存撰述之空名  
矣

天行... 聖心... 臣... 奏... 五... 動庶... 矣



宋太宗雍熙元年春正月求遺書時三館所貯遺帙尚多乃詔募中外有以書來上及三百卷當議甄錄酬獎餘第卷帙之數等級優賜不願送官者借其本寫之由是四方之書間出矣

臣聞帝王御宇將以探天地之奧類萬物之情參酌古今整齊風化未有不潛心典籍博採羣言選稽古訓而能啓文明之治者也蓋自西漢崇尚經術表章六經置寫書之官建藏書之策更遣陳農求遺書於天下劉向父子校集羣書彙成七略蓋

芝庭文彙卷二

條奏

六

當灰燼之餘其君若臣相與右文稽古蔚然稱盛魏晉以降百家競起著述愈繁唐始分為四類曰經史子集其著錄者五萬三千九百一十五卷而唐之學者自為之書又二萬八千四百六十九卷藏書之盛可謂至矣宋承五代廢學之後太祖於開國之初即求遺書至太宗時崇文院貯書已八萬卷復求遺書而論者交美之誠以人主學於古訓惟日孳孳斯見聞日以廣志氣日以清此格物致知之要道也迨其後瀛洛闕閤諸儒接孔孟之真傳為斯文之宗主未必非建隆雍熙以來右文



典學之所致也夫周秦以前之書以六經為主至漢唐以後以五子為宗蓋五子之書闡明六經之蘊者也下逮元明諸儒纘承遺緒互有發明其於扶道術正人心所係實非淺鮮伏念

國家教思廣被文治光昭內府所藏經史子集已無不具即朱子全書性理精義亦已頒行海內然自宋儒以來元則有若許衡吳澄諸儒明則有若薛瑄胡居仁高攀龍顧憲成諸儒我

朝更有若湯斌陸龍其諸儒類皆潛心理學寔措於躬行著於辭說其文集皆可採錄請

芝庭文彙卷二

條奏

七

勅諭禮部凡宋元明諸儒之書有表章六經闡明性理未經蒐輯者令督撫學臣留心採訪以時進呈倘乙夜之覽觀刊刻傳播正四方之趨向庶文教覃敷度越漢唐矣

臣等伏以聖朝崇文重道歷代以來所藏經史子集已無不具即朱子全書性理精義亦已頒行海內然自宋儒以來元則有若許衡吳澄諸儒明則有若薛瑄胡居仁高攀龍顧憲成諸儒我朝更有若湯斌陸龍其諸儒類皆潛心理學寔措於躬行著於辭說其文集皆可採錄請



謹陳學政事宜劄子 乾隆八年

臣彭啓豐謹奏為謹陳下悃兼獻芻蕘仰祈

睿鑒事切臣一介庸材備員禁近

皇上特簡臣督學兩浙蒞任未幾旋擢臣通政使

司通政使

天高地厚感激難名夙夜思維惟有殫心竭力恪

勤職守以祈仰報

隆恩於萬一臣巡歷所至祇遵

聖訓於接見生童時諄諄教以敦孝弟通經術勵

廉恥戒褻非又刊發規條悉心勸導務取通經明

芝庭文彙卷二

條奏

八

理之文凡文武生有犯法者地方官詳請革究不

敢稍存姑息今已歷試過杭嘉湖寧嚴紹六府謹

將所行之事備陳

天聽仰請

皇上訓誨俾臣識所遵循又就臣耳目所及謹陳

學政事宜六條以備

聖天子之採擇焉

一請定條對經義畫一之章程以收寔效也切惟

實學首在通經而通經尤宜專一恭逢我

皇上崇尚經學於乾隆元年



諭令學臣於歲科考試文藝後就四經中斟酌舊說有所別異處摘錄發問依義條對有能對不失旨者童生即予入泮生員即予補廩以示鼓勵業經通行各省欽遵在案乾隆四年又經陝西學臣嵩壽條奏歲科兩試於四書經義外另示一牌摘錄本經四五行寫明起心令作講義一段約二百字為率其有不能講解及寬泛草率者生員不准取優等童生進學不得拔置前列亦經奉旨諭旨允通行各省在案臣現在考試查浙省舊例條對則另試一場講義則同四書經義並試但臣芝庭文彙卷二條奏

九

披閱

生童講義大都就所出講義題敷衍塞責求其寔有闡發者蓋少誠不若條對諸說各有成義不容假借於經學之淺深尤灼然易覩也况既試條對又作講義似屬繁複臣請嗣後不用講義欽遵

諭旨

在案

御纂諸經中專取先儒異同之要命其條對如未能條對明晰者生員不准取優等童生進學不得拔置前列庶於經學實有裨益一請核武童之數酌取進之額以杜冒濫也查各



府州縣取進武童原有定額我  
皇上文教覃敷天下習文者多習武者少况四方  
風氣剏柔不同臣按試所至查武童一縣至百餘  
名者固有而不滿百名者為多甚至有不滿二三  
十名者其取進額數則仍舊十五名十二名八名  
不等雖學政全書原有寧缺毋濫之例而一槩缺  
額似又非鼓舞人才之意故從來學臣就地掄才  
照額取進此等武生冒濫者多往往恃強滋事以  
以臣抵任後雖嚴加申飭而各屬緣事請褫請寬  
者武生獨多臣請嗣後一縣武童名數不滿三十  
者約取五名不滿五十者酌取八名其餘仍照舊  
額永著為例則既不失鼓舞人材之意而濫進者  
漸少或亦正本清源之一法也

一請定甲商濫保商童之例以清頂冒也頂名冒  
籍士習攸關此弊向來浙省為甚臣考試時嚴加  
禁約生童稍知警惕但民童之頂冒易釐而商童  
之頂冒難清蓋緣浙省商童取進五十名其考試  
不由府州縣止就盜道錄送學政衙門收試雖有  
廩保全以甲商保結為憑往往有射利窮商招引  
別籍之人假充子姪冒考以致頂替代倩諸弊叢



生其故由民童易於稽察一有頂冒即將廩保革究故人知戒懼商童既難稽察又未有甲商混保頂冒處分之例故全無忌憚也但以

朝廷恤商之盛典竟為甲商之淵藪法所難容嗣後甲商如有混保冒籍入場者照不應律治罪而商童應試照監生錄科例責成該縣飭取地隣結狀申鹽道錄送庶有所稽查而甲商亦知畏憚頂冒得以肅清矣

一考試歲貢宜隨場命題以改舊習也從來考試無不隨時命題惟歲貢例用一書一判每當考貢

芝庭文彙卷二

條奏

十一

之年只出題一次陸續考完將卷彙齊送部先後共此一題不容更易現今各省遵行臣伏思考貢固屬大典各屬之生遠近不同勢難彙齊同攷故學政全書原載有出巡便報考之例先後同此一題則考過一棚允陸續赴考者預知題目皆可宿構臣請嗣後應貢之年各屬就近送考不拘先後一題之例俱隨時命題庶得各展所長而大典亦不致視為具文矣

一請禁生員考試卷面填寫廩增附字樣也學臣校試惟在憑文去取如鑑空衡平毫無成見方為



至公所以彌封編號後坐號紅簿俱發提調收貯  
不存留內署所以防弊者周矣乃各省歲科考試  
生員卷面填寫廩增附後書經字樣夫一學之中  
廩增各二十名為數無多設有私心易滋識別即  
不至是而展卷先存一為廩為增為附之見閱文  
者保無意為輕重臣請通行各省嗣後歲科考試  
生員卷面只許填寫所習何經不許仍開廩增附  
字樣庶閱文者無從識別一秉至公是亦防閑之  
一法也

一鄉場對讀不敷請兼用四等武生也查學政全

芝庭文彙卷二

條奏

十二

書開載四等文理有疵生員撰責五等文理荒謬  
降青而鄉場對讀則專以五等文武充之我

國家文治日隆士子涵濡

聖化即山陬海濱沐浴詩書之澤故梅試所至四  
等文理有疵之生尚多而五等文理荒謬之生頗  
少即如浙省八十八學而科場對讀需用二百名  
故歷屆對讀俱屬不敷推之他省亦必如是所以  
每當鄉試之年或用樂舞生或臨期僱募勉強湊  
數臣思考居四等原未有不許鄉試之例則四等  
文生有碍場期固難對讀若四等武生鄉試在十



月中並無妨碍臣請嗣後各省如五等生員不敷對讀之數者兼用四等武生俟對讀之後免其錄遺即准其入武場鄉試則在彼當亦踴躍從事而對讀之數亦不致不敷矣

以上六條俱有關學政事宜臣不揣愚昧瀆陳管見仰祈

皇上訓示施行臣謹奏

芝庭文稿卷二

條奏

十三



敬陳管見劄子

乾隆十年

臣彭啓豐謹奏為敬陳管見事竊臣仰見我

皇上勤求民瘼

恩綸疊沛有加無已臣周歷浙省留心咨訪謹將管見所及有裨政治有益民生者為

皇上陳之

一官湖宜寔力開濬也浙省山高水駛一遇蛟水驟發農田輒被淹沒若雨澤稀少又不足以資灌溉蓋自有聽民開墾准報陞科之例猾吏奸民目緣攘奪或佔蓄水之湖為田或侵洩水之溝為地

芝庭文彙卷二

條奏

十四

日積月累水道半為填閉上年浙江布政司潘思渠請嚴禁侵佔官湖一摺部臣議覆除已經報墾之地畝外其餘蓄水之處劃明界限不許再行開墾在案此但禁其未然而不改其已然也如餘杭南湖之水發源天目注苕溪下灌杭嘉湖三府自前撫臣朱軾加意濬治迄今日久沙土淤塞侵佔甚多古稱西湖之水灌田萬頃今湖身淺狹葑菱蔓蔽其他會稽上虞餘姚慈谿等處之湖皆僅存其名而難按其寔地方官非不知開濬之宜急但以工費為難回循不治豈知水利不修則農田之



益不廣請

勅下督撫二臣酌議次第開濬之法令道員同知及分管水利各員逐一履勘查文剷除侵佔疏濬壅塞實力奉行回不同之地形為自然之利導務使蓄洩咸宜旱潦有備則民生之利益無窮矣

一徵收漕糧宜畫一也江南漕米每石收漕費五十四文以二十七文給運丁二十七文歸州縣為修倉鋪墊人工飯食紙張以及折耗等費雍正七年間由江南撫臣尹繼善奏准在案於是江省民不擾而官不賠丁亦無虧法至善也查浙省杭嘉

芝庭文彙卷二

條奏

十五

湖等屬界連江省漕數亦畧相同其運丁設有漕截一項由州縣徵給辦理諸費已無不足而州縣漕費並未議及是以歷屆收漕州縣每以費繁賠累為苦不得不藉餘米斛頭幫貼但聞每石漕米竟有私加五六升至一二斗不等於是蠹役得以乘機竊取運丁藉以嚇詐勒加官民並受其累雖上司屢行禁飭銅弊寔難剔除臣竊謂江浙收漕事同一體與其暗索私加不若指明定耗請勅下漕臣於運丁漕截一項外的酌議援照江南之例每石收錢二十七文為州縣脩倉鋪墊等費仍



嚴禁不得顆粒浮收運丁亦不得借端需索則漕政肅清軍民相安而官員亦免賠累叅罰之苦矣一請酌定官員往來夫役多寡之則例也浙江有額設均平夫一項銀兩以供夫役差徭之用而各處額銷有一定之舊例每年差役有繁簡之不同差簡之年可以敷用若遇差繁之歲賠墊為多州縣每不勝其苦蓋凡

欽差馳驛官員兵部給與勘合額有定數易以應給惟浙江本省官員往來水路用船隻繹夫陸路用兜夫拉夫向未酌有定額多者役及千夫少亦

芝庭文彙卷二

條奏

共

不下六七百名其實原不需此數無如本無定額故吏役家人得以任意多索或折銀入彙稍不遂意即加之凌辱且夫役必先期預集窮民晝夜伺候不免飢寒倒斃近來浙省督撫灼知此弊出巡時每預為禁約騎從已屬減省然非奉有定例則經行之州縣仍不敢不為預備臣請

勅下兵部酌議官員之大小差使之繁簡核定人夫名數多者不得過若干名庶州縣有成例可遵得免滋擾夫役亦無差徭之苦至於均平夫銀兩歷來布政司造冊報銷按數七折其三分扣在藩



庫以為各衙門使費此項尤屬無名應行令撫臣  
寔力清查以除侵蝕者也

一請禁兵役巡鹽之借端擾民也浙省黃巖太平  
一帶地多斥鹵鹽產甚旺其鹽梟私煎私售之罪  
自為律所不貸然所謂私煎者必於某村鎮內開  
有煎鹽氣息方入戶稽查果有煎鹽器具及現存  
滙鹵方得謂之私煎所謂私售者必現見其挑負  
多鹵在禁例鹵兩以外者方得謂之私售非許其  
排戶搜緝將食鹽槩指為私鹽也臣按行溫台諸  
郡聞兵丁往往借端凌雲窮民不曰巡鹽而曰搜  
芝庭文彙卷二 條奏

十七

鹽挨戶搜查竈前牀下稍有食鹽存積多方嚇詐  
得錢方行釋放苟不遂欲即指為私煎私售拏送  
到官甚或以一家一人之鹽鹵兩無多并數家數  
人之鹽湊數板指獲送邀功良民多被其害竊念  
皇上仁施浩蕩特免玉環漁船之稅誠為曠古未  
有由此推廣

皇仁鹽政之巡緝固所當嚴而兵弁之誣詐亦所  
必禁仰祈

勅諭浙省文武大臣嚴禁干總以下兵弁不得借  
巡鹽之名排戶搜緝借端誣罔則沿海窮黎俱得



沾

皇恩之阜育而鹽政益肅清矣

以上四條仰體

皇上博採羣議之盛心敬効臣下芻蕘之一得伏

祈

睿鑒施行臣謹奏

芝庭文彙卷二

條奏

十六



請酌釐填給勘合劄子乾隆三十年

臣彭啓豐謹奏為酌釐填給勘合之例以肅驛務事查馳驛官員由臣部按照品職將馬匹夫役及廩給口糧填數勘合各驛驗明應付其有多索及濫應者覈分甚嚴近年復准前任甘肅巡撫常鈞條奏凡有請領勘合者將所填確數牌傳着站遞移下站所以防差員從役不將勘合付驗任意需索之弊法必備矣惟是差員勘合於陸路心填馬匹至水路乃有夫役與赴任官員水陸俱有夫役者不同向來差員陸路所用夫役俱係逐驛借催芝庭文彙卷二

條奏

十九

各驛仍將額設夫役應付否則或無覈催募或中途逃逸未免貽誤郵程臣思夫役既向驛站借催則凡多索濫應者皆得以借催為名不可不防其漸查定例赴任官員夫馬並給者不支廩給口糧若差員則官支廩給從役支口糧將驛站錢糧報銷計廩給口糧折銀之數與催夫發價之數儘足相抵臣請嗣後差員除不用夫役者仍照舊例外其需用夫役者於起程前預行知照填發勘合處即將例支廩給口糧彙核銀數改給陸路夫役若干名填入勘合則差員有應用之夫役驛站省折







請酌定武職銓補班次劄子乾隆三十年

臣彭啓豐謹奏為酌定武職銓補班次以歸畫一事查武職選法雙單月守備以下缺出俱按各項應用人員分定班次循環補用立法最為平允至都司以上單月將在外現任人員論俸推陞雙月以二四六十月用卓異人員八月十二月用在部投供人員不分班次但以奉

旨日期人文到部先後為序今查投供人員欵項甚多有服闋赴補者有病痊起用者有開復降調捐復者有世職期滿者有軍營保舉奉

芝庭文彙卷二

條奏

廿一

旨留部及

特旨加恩錄用者概歸八月十二月銓補又有捐納人員相間輪用或八月十二月並無缺出則終年不銓一人或二四六十月缺出甚多仍需用卓異一項未免遲速不均且合各項人員共較日期先後不分班次於選法亦未週畫一臣請嗣後參將遊擊都司除單月需用俸深人員無庸置議外其雙月應用人員俱照守備以下一體分定班次擬將奉

旨留部錄用及世職人員作為選班服闋病痊開



復降調捐復人員作為補班卓異人員作為陞班  
遇有雙月缺出選班用一缺補班用一缺周而復  
始其捐納人員仍照舊例相間輪用則遲速均畢  
選法亦趨畫一矣伏祈  
皇上訓示施行臣謹奏

芝庭文集卷二條奏



芝庭文彙卷三

長洲彭啓豐翰文

序

甘霖泛舟詩序

皇上御宇之三年季夏六日霖雨既降

聖情歡豫乃於聽政之暇

名大學士內廷翰林等集於圓明池登御舟

賜坐泛舟舟行二三里碧波澄泓涼風清暑沿沁

迴環雲木明秀當時雨露被之後西山新霽蒼翠

如沐亭臺隱見倒影參差天光水色自然都麗蓬

芝庭文彙卷三

一

閨之勝應未踰此緬惟

國家離宮之制務敦樸素此地波瀾巖轉蘿陰眩

綠苔色紛紫藕花綠岸隈紆斜直時見一葉扁舟

來往其際疑身在楞伽左側石湖曲渚不知為禁

苑也既乃停舟駐便殿丹檻碧牖中設御榻東臨

海景窓光暎徹自極所屆

上命即事賦詩各給筆札

御製七律一章諸臣次第成稟有未到者許補撰

進呈共十有八人符瀛洲之數焉侍讀學士臣梁

詩正繕書勒石以垂久遠臣惟泰交之世廢歌亂



縵魚藻之愷樂卷阿之伴魚尚矣唐宗以來若陪  
遊灞澹應制昆明賞花釣魚一時宴衍異世光榮  
侍從之臣或終其身未得一遇今者

朝廷清明四境安樂歲時豐稔甘雨應期而至  
天子方怡神清暇乃與羣臣從容於翰墨之場微  
獨仰文思欽明由於天縱為不可及而誌甘霖之  
及時則省歲之意深焉思濟川而共勉則作楫之  
道隆焉至於

特詔儒臣

賜坐賦詩異數優渥湛恩汪濊雖山岳不足比其  
芝庭文彙卷三序

二

崇滄海未足比其深臣菽靈賤質遭逢明盛備員  
中允得握鉛槧與末座儔之矣禠榮幸為何如也  
回琴手稽首敬序於浚方



平定西域凱歌序

皇帝御極之二十年聖武布昭大化旁流殊方異類含氣負形之倫罔不回面內向奔走效職惟準嚙爾夷部奉有元隸餘竄霧蒲類葱嶺之境延及嚙爾丹遂潛并套西諸部而有之白狼赤虺猥從孽息

聖祖仁皇帝三勤屬車式遏氛害

世宗憲皇帝赫怒慤旅殲厥大憝釋彼遺種

聖德包荒假以餘息天速其罰內亂相尋孽豎達

瓦齊怠棄彝常昏瞶滛僻雲使部衆衆弗安厥居

芝庭文彙卷三序

三

於是台吉車楞阿睦爾撒納等率部衆數萬款闕

籲救願効馳驅

皇帝睿照如神偉畧內斷憫其水火之情慰其雲

霓之望乃

命將帥授之機宜二月初吉大軍啓行禿賁之校

熊螭之旅桓桓伉伉翼翼嚴嚴所過諸蕃部安堵

自若奉牛酒壺漿而迎者爭先恐後五月初旬

王師渡伊犁河迅掃蕃庭撫輯降衆卅載逋囚束

身歸罪百年狡寇尅日就擒軍興曾未數月行闔

不折一矢威行萬里絕域底定昔漢通西域唐征



高昌窮兵黷武何足稱述即三代以上典謨雅頌  
所紀炳烈宣著揚於廟廷亦未有履遐荒如戶閭  
成大功於不戰版圖式廓中外又安如今日之盛  
者也

皇上聖度淵冲為而不宰讓善於

天

祖歸美于

慈寧大典懋昭百禮具舉遂開明堂詔天下酬庸  
賚功行慶施惠文德武節宣布金石於鑠隆茂星  
日爛然謹按周禮大司樂曰王師大獻則令奏凱

芝庭文彙卷三序

四

樂漢有短簫鏡歌亦名鼓吹曲以為軍樂唐柳宗  
元本以作鏡歌鼓吹曲而岑參劉禹錫諸人並以  
近體為凱歌臣不揣弁陋竊取斯義謹依上下平  
韵撰凱歌三十首誠不足鋪張洪休發揚盛烈萬  
分之一庶幾同於巷歌衢謠發抒歡忭願樂之忱  
而已謹齋沐拜手稽首以

獻



浙江鄉試錄序

欽惟

皇上御極之二十七年經緯大飭翕闡元扃德教聲光焜於太蒙徹於丹澤揚越人文奧區其間魁士雋民自漢唐以來卓越寰宇炳垂紀錄今更際久道化成之朝

鸞輅時巡山川耀精和氣蒸動禮治昭明耆英少俊驥首矯翼思奮青雲於戲盛矣其年夏六月禮臣以浙江考官請

皇上特命臣彭啓豐偕編修臣李宗寶往典試事  
芝庭文集卷三序

五

伏念臣學識謏陋忝荷

恩寵屢司文柄前蒙簡任提督浙江學政臣皇歲  
不幸免隕越茲復承

恩命重蒞是邦夙夜兢兢臣克負荷

皇上俾付責成之至意銜

命星馳進學政李臣培所錄士八千餘人三試之  
得士如額循例刊文二十篇進呈

御覽臣聞責之亨也以劉棻錯而成文離之吉也  
以明兩作而得中故聖人之贊責曰文明以心  
文也贊離之大有曰黃離元吉得中道也離麗也



物無所麗則散火陽精也不麗不炎賁之下體離也其上體艮也艮止也劉文柔柔文剛義皆貴夫能止也道也者文所恃以為麗者也亦文所受以為止者也無質惡乎麗無範惡乎止質也範也根於性情甄於經術倪端於太一取裁於皇極侈其表飾靈弔詭游汗浸失歸豈文之謂哉兩浙山水清泚鍾孕瑰瑋人士彬彬都雅質有其文况逢鑾輿三幸觀民設教

聖人體國經野之謨省刑薄賦之寔訓示典誥之詞車旗羽衛之制皆於

芝廡文彙卷三序

六

時巡見之較諸誦遺文於往古窺秘檢于石室其為奮興什百相懸焉可同日而論耶宜其文敦質就範幾合于道也臣于向者視學時彈心別擇粗有所明以為畫江而郡者西則瓌瑰而采烈東則樸遼而氣醇今會而校之額有定東西羸絀或不齊無遺才臣誠不敢任第緇墨自守竭其聰明所得及以仰副

聖天子覃敷文教之盛心庶使登是選者益自振勵被壽考作人之澤焉事既竣諸生歌鹿鳴而來既進而告之遂敬次第其言弁於簡端云



順天鄉試錄序

皇上御宇之三十年會多士大比之期臣啓豐偕  
臣音恭承

明命典順天試爰進學政臣程巖及國子監所錄  
士共七千九百餘人三試之臣等率同考官悉心  
校閱得士如額例錄試文之優者進呈

御覽而臣又例得推

皇上教育英才敦崇文治之至意弁言簡端以風  
庶士竊惟周官鄉大夫三年攷士之德行道藝以  
禮禮賓之而獻賢能之書於王此科目之制所自  
芝庭文彙卷三序

七

昉也今三試壹以文也者藝焉而已矣於鄉夫  
夫之職有合與然古者敷奏以言不惟其藝惟其  
道不以為藻繪之華而以為德行之著非特曰以  
覘學業而寔藉以驗心聲蓋必仁聖禮樂之澤服  
習淳注潛決於性情暢達於倫物而後宣之為辭  
祇以自鳴其居安資深左右逢原之素不遷誘於  
外境以擾其幽獨之所守故釋曰增美而非崇耀  
觀聽也蹈矩從繩而非仍襲陳舊也導源於詩書  
以滙儒術之金抉精於天命以綱王道之要遵其  
言而措之高下淺深各隨其分量皆足以底於寔



用脩官器之材以共熙庶績承弼太平之烈自三代之隆下迄漢唐宋明小康之世莫不由之而我朝法意兼脩盡善盡美尤遠邁於前王範之孔孟以端其規博之經籍以廣其趣游之音韻以穆其情而又馳之於考辯之途以劑其識導之以時務之蹟以練其猷蓋造就鼓動化裁之方默寓於文而有不圍於文者存使天下之士薰染沐浴日勉勉於廣大精微之域而不自知即

國家順天休命揚善明明以揆百職以亮采惠疇亦將於茲收厥效於無窮也

芝庭文彙卷三序

八

皇上經緯飾治縣繹

列聖之緒文煥功巍耿光麟炳匝於海裔固有習昧京師首善之區四方所回向臣神智短淺忝膺斯任夙夜祇慎矢竭愚誠窮二十日夜之力理求其心氣求其恬黜淫麗存體要竊欲即多士之學業和平多士之心聲更思揭首善之規模以樹萬邦之準則庶幾少贊淳茂休明之治以祈無負皇上久道化成壽考作人之盛而多士幸生聖世被恩遇其亦思返藝敦道植體以昌用知有不圍於文者存是以酬棫樸之澤也夫



讀易辨疑序

理者陰陽之經緯也。理經緯乎其內而象著於外。數生於其交是故理體天地天地感動而羣象滋感而不過其則而後數生是故有象必有物物即理也有數必有制制亦理也。理與象數之分合程子所謂體用一原顯微無間者也。漢魏以來注易者無慮數百家焦延壽之四千九十六卦延壽之象外立象也京房之六日七分更直用事房之數外衍數也而皆於理無所契合至王弼謂得意忘象則又離理於象數夫言理離象數可也言理於

芝庭文彙卷三序

九

易離象數不可也且弼之離理言象數也於理又無所發明程子說易頗有取於王氏離象數而言理然程子得易心傳契合無間言理而象數畢舉之矣非離象數而言理也此所謂體用一原顯微無間也朱子作本義言理不外乎程傳而言數則取於邵子邵子之於數亦得易之心傳者蓋朱子之易出入程邵而得其宗李先生傳一本有明來氏集注而作讀易辨疑一書曾孫復菴守山左之沂州梓行於世余取而讀之蓋衡瞿塘之說而衷其是者來氏之學言理不背乎程朱而於象數則



加詳焉是書衡其說而衷之心不為焦房之鑿不  
為王氏之空說學者由是而進於程邵朱三子之  
書其亦可以得易之心而與是理契合無間昭昭  
然達於象數也夫善乎先生以一言蔽易曰君子  
尚消息盈虛天行也是固一於理而象數兼舉者  
也

芝庭文稿卷三序

十





詩經讀序私記序

昔夫子刪詩授之子夏迨數傳而齊魯韓三家之詩興立於學官獨毛氏晚出其言不詭於聖人至其旁通義類時與孟荀相表裏謂非得之卜氏之傳不可也夫詩之為教切矣其取類廣矣三經三緯道博旨隱辭愈文趣愈遠後之人無所據依欲憑臆以斷其得失之故是猶畫工之未見其人而欲圖其貌也斯亦難矣夫子言詩蔽以思無邪之一言言乎世之治亂不同人之愚智不齊而是非好惡之公則有不可得而岐者由毛氏以觀三百

芝庭文彙卷三 序

十一

篇美刺之外無詩焉斯民也三代之所以直道而行也不其然乎毛氏之書鄭康成氏寔始表章之然其所自為箋不能無失往往反易毛傳宜乎魏晉以下諸儒多著書以抵觸之也白岩姜子撰詩經讀序私記其說一以序為主而雜取後儒之文折中於毛氏是其取材博而用心當矣豈特為毛氏功臣即鄭氏亦有樂乎此也雖然古人于詩內通乎性命外達于政事寧第多學而識守訓詁析比興已哉姜子學優而仕今且出為縣行將于姜子觀詩詩曰有力如帚執轡如組謂其有文章能



治衆也又曰其儀一兮心如結兮謂其執義一則  
用心固也姜子之澤於詩者素矣由是出身加民  
不可見詩之為教哉姜子其勉之

芝庭文彙卷三序

十三



陰騭文新編序

尚書言惟天陰騭下民正義曰騭質也質訓為成  
成亦定義天不言而默定下民也夫理雖藏於於  
穆之表而寔不離乎日用事物之間在天為五行  
在人為五事五事本五行而庶徵顯肅又哲謀聖  
而致休徵狂僭豫急蒙而致咎徵若影響然五福  
用嚮六極用威係於帝訓之行不行即莫非天之  
陰騭也古聖人垂範立教深切著明讀其書者皆  
當昭然發蒙無俟煩言而決自人心日起于變機  
械益深澆漓益甚儒者乃多為之坊巖為之禁詳

芝庭文藁卷三序

十三

之以訓詁核之以事寔徃復周詳不憚再三之讀  
豈得已哉陰騭文之流布也久矣有盛君者作陰  
騭文新編其大旨以身心言行為要剖析指歸闡  
明文義更採近時聞見確著者類之以為勸戒又  
編詩歌箴銘若干首言不盡文取雅俗共通曉而  
已以為長言嗟嘆尤易於感發而興起也詩曰昊  
天曰明及爾出王昊天曰旦及爾游衍人固何時  
何地而可不念天之陰騭歟蔣君信夫與人為善  
捐金付之梓書成將置公所期日傳萬紙以廣激  
勸是皆事之難能者特著之簡端



范香溪先生文集序

自朱子接周程二子之統而東南道學之傳頡頏中土伯恭產於越敬夫產于楚朱子往來甌越江楚間相與友學論辨而學者雲集師友淵源皆可指溯時香溪先生居越之蘭谿專志聖學無外慕不與時士接跡顧其師承所自今莫可考朱子得其心箴一篇傾服其精邃遂載孟子註中而先生之學因顯於當時而名於後世今讀天君泰然百體從令二語想見充養一室根於心暢於四支浩乎不為窮達加損者也時象山陸子倡學江西亦

芝庭文稿卷三

序

十四

無所師承自謂熟讀孟子而自得之然時與朱子論辨互相抵牾朱子譏斥陸子而獨謂先生之學甚正發前儒所未發非近世浙學尚事功者比蓋先生之學以求諸心為本辨人禽慎欺慊兢兢於人之所不及見暨夫誠中形外篤寔輝光心箴一篇皆自道其所得者也陸子先立乎其大者其根柢孟子亦與先生同而朱子是先生而非陸沂流窮源必有幾微之難以強同者而非朱子之好辨也先生他文引喻古今洞達時務雄辯偉畧皆可見諸施行紹興時秦檜當國先生既不屑為時用



其忠義淳鬱無所發忤託於文字之間者如此乾隆九年春予道過蘭江適裔孫宗灝刻先生遺集二十卷成請予序遂謹書之志向往云

芝庭文稿卷三序

十五



儒門法語後序

昔我王父以身任道篤信好學至老不倦生平手輯之書甚具而儒門法語一書約而該其有裨於後學尤切其言類皆言近指遠而深中學者隱微沈痼之疾令其憬然惕然發其惻隱羞惡辭讓是非之心以自反于人道之常而已矣古先聖賢論學之書浩博無涯矣而要其歸不過使人察五倫充四端不失其本心以求盡乎為人之道自孩提之愛親少長之敬兄極之至於兼大聖神無二物也然則欲求古先聖賢之書者其必以此書先

芝庭文彙卷三

序

七

之乎吾回之慨然矣自功利之熾熾仁義忠信之說入乎耳出乎口徒以邀時譽而取世資其視聖賢若以為非人所能為而其自視固亦不復知其所以為人之道然平居靜憲一有觸焉而其所為憬然惕然者未嘗不在乃或輾轉于當機遲回於故轍則其所為憬然惕然者若電之霍而耀也若風之飄而旋也俄頃之間而不知其所在矣誠能即其憬然惕然之頃然而識之因而決去其舊習以求自盡乎為人之道而致其日新之功改過遷善孳孳不已日充日明而後知吾之所以為人者



與聖賢固無異也尚何舊習之為累哉嗚呼今之  
讀是書者其誰不憬然惕然矣乎其能決去舊習  
以復其本心以自盡乎為人之道者誰乎即啓豐  
受是編於先君於時幼稚卒卒無所得中年以  
往方欲進於斯道而年力已邁矣重展是編不勝  
悚懼曰謹書其後以自警且願世之讀是編者乘  
時力勉之無若啓豐之晚而徒悔也

芝庭文彙卷三序

十七



仙巖洞大忠祠錄序

章安諸生馮賡雪等郵寄大忠祠錄屬予為序按  
章安郡東百餘里有洞曰仙巖雲垂壁立洞口玲  
瓏宋丞相文信國祠巍然在焉公使北時為伯顏  
所拘至京口台人杜許從公行脫公走揚州逆通  
州泛海至台宿義士張和孫宅後和孫許俱殉丞  
相死又有都巡檢胡文可環衛呂武亦從丞相集  
兵赴難者明嘉靖時里人祀公於仙巖洞而以杜  
張胡呂配嗟乎建炎以後大命不支君無昭烈帝  
之才而臣有武鄉之忠金鰲之泊厓山之殉惟成  
芝庭文集卷三序

十六

仁取義足以感發人心故一時義士冒鋒鏑赴溟  
渤斷項絕脰沉身而不辭予嘗至温州江心寺謁  
信國祠讀壁間正氣歌風聲蕭騷起樟樹為之欬  
歎魄動台人匪必有諫于公而祀公弗哀有以也  
夫方其取道避敵不過一郵亭過客而神歸台岳  
氣塞滄瀛風雨靈旗彷彿見之是何物也耶嗚呼  
觀於此者可以憬然而興矣



至德志序

勾吳於古漸荆蠻之俗風教語言不通于上國至泰伯端委為治文明日啓讓德所濡浹洽人倫風施罔斃瀾播廣遐而况蘇州親被其化者哉閭門舊有至德廟盖吳越武肅王錢鏐度地以祀泰伯者也宋元祐間賜廟額曰至德崇寧改元累進王爵以仲雍延陵季子配食亦崇其讓也康熙四十四年

聖祖仁皇帝南巡御書至德無名以賜今

天子四巡江浙御書三讓高踪遣臣工致祭制詞

芝庭文彙卷三序

十九

輝煌祝史讀版以成禮祀典之隆前代罕匹今喬孫吳鼎科吳朝鼎編至德志成以序言請予惟國初湯文正公斌撫吳甫下車即涓吉謁廟撤巫祠之淫者以其材庀工而改為之堯峰汪琬文其碑推論湯公教民易俗之意甚詳其政績卓然與狄梁公况太守後先輝暎有以也孔子曰能以禮讓為國乎何有夫禮政之基也讓禮之寔也大道之行禮治浹於上下民志定公卿大夫以至編氓罔不隆禮由禮自納于軌物率循既深安之為日用有趨於讓而不自知者彼其時府事修飭而刑獄



清和氣旁魄而雅頌作若湯公者可謂知為政之本末矣詩云民之秉彛好是懿德又云雖無老成人尚有典型泰伯仲雍延陵季子之風邈矣而推讓之美數千百年猶留於人心雖至貪黷冒利忘恥之子平昔競刀錐簞食豆羹往往見於辭色而聞採藥之行不忍利天下以拂其親鍾眷少子之隱未有不愾然慙沮自悔自責而無以自容於此見至德之徵人所同具而風示勸懲即王道豈不易易與吳氏於蘇州為巨族枝葉蕃衍皆溯源於讓王按其譜系入廟而觀鼎彝敬宗收族之心固芝庭文彙卷三序

廿

有油然而不能已者其流風善氣之所薰被施於鄉邦通於四海以助國家純熙大順之化是豈獨吳氏一姓之世澤哉此又湯公暨唐以來諸君子立廟之微旨也夫



包山劉氏世譜序

包山劉氏既建宗祠設祭田輯世譜譜成請予序  
其端周禮小史之官辨世系定昭穆小宗伯掌三  
族之別以辨親疎大傳曰上治祖禰旁治昆弟下  
治子孫親親故尊祖尊祖故敬宗敬宗故收族收  
族故宗廟嚴此三代之所以化行俗美比屋可封  
者也自秦人廢禮滅教富民有子則出分貧民有  
子則出贅而宗法亦壞晉宋以來頗有專門名家  
稱譜學在官亦有簿狀據以定選舉別婚姻于是  
甲乙之名紛紛競起失古意宋歐陽氏蘇氏始本

芝庭文彙卷三序

廿一

古小宗之法作為族譜義法墮然可觀然考永泮  
幼長於漢東終老於潁而廬陵故里踪迹未一二  
至東坡潁濱兄弟遊宦四方流離遷徙未嘗歸蜀  
則二氏之譜亦僅託諸空言而於收族嚴宗廟之  
義未嘗寔舉而躬行之也古之時大功同財有祿  
者必仁其族其平時饑寒相恤疾苦相救蓋即大  
傳敬宗收族之寔後世不明此義期功兄弟能不  
異財與居者鮮矣我吳惟范文心公卓然踵古義  
見於施行規置盡善其澤至今不衰天下有志之  
士聞風而興起其一本之情思則效之者甚衆而



况生近范公之居者又當何如感發耶劉氏世籍汴梁趙宋時有名絲者登宣和進士第官至僕射從高宗南渡至吳卜宅色山之岱心灣迄今五百餘年為世幾三十子姓蕃矣色山在太湖之濱其大姓類以儉約起家皆有宗祠以春秋祭享其力之饒者則又皆有祭田而劉氏素以孝友醇愿著稱州里庶能敦本睦族興廉讓深培厚溉之漸以希夫范文正公之家法是則茲譜之作不徒侈空言飾觀聽也是在勉之而已

芝庭文彙卷三

序

廿二



邑山沈氏族譜序

孔子曰里仁為美擇不處仁焉得知周禮司徒以保息六養萬民以本俗六安萬民而申教之以孝友睦婣任恤之六行使其族黨之間相保相愛相調相賓吉凶共之所以導民以仁俾得久安其處而無有遷徙失所之患曰得教訓成俗薰習觀感樂趨於善而不倦盛古天下之里蓋莫不然至孔子時而後有然有不然者是以孔子嘆美里仁而欲擇者之得所處也予嘗遊太湖之包山樂其川原愛其民氣之淳朴無紛華之習凌競之風誠以芝庭文彙卷三序

司徒之教教之於以成仁里不難也推而廣焉則三代之治可復也有沈氏者世居于此其系出自東陽自宗隆興間其祖仲嘉由吳興始遷包山構林亭以居子姓蕃衍迄今二三十世矣予讀其世譜多賢士大夫所紀述雖無赫赫之功要為能自持其身而不苟于貪勢慕利者不然亦安能久居于此而不去哉昔蘇子作族譜亭記首言匹夫化鄉人之效既乃引其鄉之不善者以戒于族人懇懇乎有餘思焉今沈氏之裔不忘先人之澤舉其譜而輯新之其有意於敦宗收族者乎夫敦宗收



族仁之道也孝友睦婣任恤之風所由長也本此  
意以化于鄉雖不仁者猶將日勉于仁而矧其為  
沈氏之鄉與余故樂為之序云

芝庭文集卷三序

苗



此序之說也余姑樂為之序云

意以化于鄉雖不仁者猶將日勉于仁而矧其為

沈氏之鄉與余故樂為之序云



宋荔裳安雅堂詩集序

蒙泉子選宋荔裳詩合為一集既序於後而復以  
示予說者論國初詩必曰南施北宋南施者愚山  
施閨章也而北宋者荔裳也予少時讀愚山詩樂  
其善叙事理長於諷喻如春風中人使人形神和  
暢愈戾競踪之意不留於胸中以為此中聲之所  
止也阮亭王氏為當代詩宗其論詩必引愚山以  
為重可不謂知言者與荔裳之詩前人序之以為  
天才雋朗逸思雕華風力既道丹采彌潤抒寫幽  
憤聲出宮商其見推于時者如此荔裳綰綬登朝

芝庭文彙卷三序

廿五

時方盛年不可謂不遇中間被誣繫訟決月乃解  
才人命窮而詩乃益工殆亦造物使然也顧或以  
荔裳詩深微醞釀不如愚山信歟否歟世必有能  
辨之者夫詩之為教深矣尹吉甫之自頌曰穆如  
清風而夫子贊其詩為知道蓋知道未易言也流  
而為醜殺激而為怨誹願以為風雅之遺其聲不  
已變歟蒙泉才雋而思深靈雅雨山左詩鈔蒐羅  
叅訂大半出其手至荔裳詩猶以為未備復力購  
全集存五百首有奇釐為十卷其決擇審矣謙不  
自信而乃徵信于予之言夫荔裳之詩則何待予



之言而有不能不言者非獨言蒹葭之詩也此詩之教也蒙泉謂為何如

芝庭文彙卷三序

廿六



芝庭文彙卷三序  
芝庭文彙卷三序  
芝庭文彙卷三序



重刻餘園詩鈔序

刑部侍郎繆湘芷先生自弱冠即以詩名淮海間  
商邱宋公有十五子詩之集先生與焉既成進士  
入翰林司衡三楚晉秩貳卿生平薰習卷軸寄情  
山水有所得輒形於篇所著古今體詩意深詞潤  
喜用長章險韻闢奇爭巧要不失為爾雅之音至  
其即事抒情微言妙契又往往出於筆墨畦徑之  
外使人儵然意移矚然無埃壒之思尤可貴也先  
生幼時嘗夢至一古刹證前世為湘山老僧後至  
全州訪湘山寺一一如夢中所歷青陽吳懸水先  
芝庭文彙卷三序

廿七

生能道其事至雍正七年冬官刑部入署齋宿端  
坐而逝其於去來之際不既脫然無累矣乎人生  
積想成回積回成果苟識其本來則此身且同旅  
泊而况區區文字哉觀其題悔餘詎回圖有云多  
生結習盡唐捐何有毫端萬珠琲則先生之以詩  
名殆非生平之志也或以為前朝七子半官刑部  
我

朝王新城尚書亦終於刑部似乎先生之詩亦以  
官重者是豈足以識先生之指與向年編詩分古  
今體為六卷後燬于火今文孫昆燦重付剞劂以



年系之不復分體仍六卷啓豐初入翰林獲奉先生教與令子集為同年友今忽忽已四十年而及序先生詩前此四十季恍如夢寐而予尚耽玩文字矻矻不肯休得毋莊生所云猶有蓬之心也夫子今且悔矣

芝庭文稿卷三序

六



葆璞堂文集序

葆璞堂文集者吾師光山胡滄曉先生所著也先生當

聖祖仁皇帝時官翰林數

召見嘗畫圖講易

聖祖善之曰苦心讀書人也雍正初晉位卿貳直上書房以經術輔導在職有所論奏不為靈美避就之言大要主於達民隱廣

帝德敦厲風俗慎刑讞救水旱勤懇懇若惟恐不得施於事者誠仁人之用心也夫易之為道深

艾庭文彙卷三序

先

遠矣而乾之四德其統也元又為四德之統故曰元者善之長也君子之學易也曰體仁足以長人一言長人而合禮和義幹事皆舉之矣觀於先生之言而知先生之脩於隱達於事者一本諸仁以故能摠攬

國家萬年長治之規揭其體要而求仁之功一本之於易於以上感特達之知又可想見

昭代主臣一德興道勸學之美其所謂天地交而萬物通上下交而其志同者歟先生論易有函書九十九卷博綜象數辨析異同一本其所自得而



斯集則先生服躬經世之言為多其與張孝先再  
永光論易書闡圖書之蘊昭晰無疑後之學者尤  
宜究心焉循是得先生學易之門戶以推先生立  
言之本然後知經術之被于民生日用至廣以切  
而徒穿穴詁詁者亦未必能發抒偉辭宣究朝廷  
仁恩勤施下土如先生之明且昌也 啓豐昔以廷  
對受知先生繼入翰林而先生奉 詔為教習師回得請業門墻被服緒論今先生之  
歿三十餘年矣

今天子篤念舊臣

芝庭文彙卷三序

三

特簡令子升夫為江東按察使總美前武推廣仁  
治以佐成協中之化者將于是乎在逾年輯先生  
文為一集以授 啓豐俾為之序 啓豐既喜先生之  
澤被於後者無窮讀其書又回以窺見先生所以  
為文之旨謹論著之庶後之人知先生用心之仁  
沒世而未有艾也

言之本然... 宜究心焉... 仁恩勤施... 對受知先生... 詔為教習... 歿三十餘年... 今天子篤念舊臣... 芝庭文彙卷三序... 三... 特簡令子升夫... 治以佐成... 文為一集... 澤被於後... 為文之旨... 沒世而未有...



古劍書屋文鈔序

予讀古劍書屋文鈔而慨然於詞臣遇合之隆也  
御先輩吳南村先生自少以詩名吳中初舉順天  
試以占籍被黜遇

聖祖仁皇帝南巡獻詩稱

旨擢第一

詔扈駕至京師以舉人直南薰殿旋成進士入翰

林宗

特命侍讀

皇子講讀纂修進御諸書其器宇洪碩風度端凝

三

芝庭文彙卷三序  
見者咸以公輔相期應制之作雍容揄揚遠追燕  
許館閣諸臣咸矜式焉嘗出主江西試得人甚盛  
世宗憲皇帝登極念承學舊臣顧問閣臣欲加擢  
用而先生已捐館舍有年未嘗不為之悼惜也後  
十數年啓豐始通籍于朝忝直禁省於時鄉先輩  
存者惟吳荆山先生而已追思曩日先生與荆山  
先生聲名榮遇後先伯仲間真一時之盛事予幸  
得及荆山先生議論往復以自附益而終以不見  
先生為喟息今乃於行墨間忽忽若遇先生也曹  
子建曰年壽有時而盡榮樂止乎其身未若文章



之無窮然則先生之所以無窮者不有在歟是鈔  
所存大都登朝以後之作

先皇帝之優禮儒臣先生之遭逢盛世於先生詩  
文中猶可想像其大凡以興起學者讀書稽古之  
志間嘗讀虞夏之書周魯諸臣雅頌之作下逮漢  
唐以來鴻儒碩士鏗訇金石之文高下醇駁不可  
概論而要本忠孝之忱宣以斧藻流豈弟之化彰  
一德之美施於後嗣爛然昭明其致一也若先生  
者猶有古人之風焉啓豐受

兩朝

芝庭文集卷三序

廿三

聖主之知自愧文章不如先生無以報塞萬分之  
一今老矣得蒙恩歸里嘯歌葑溪雙塔之間與田  
夫野老相酬答竹簟風暑簷曦炙冬以優以游適  
與麋鹿之性相宜惜先生不可復作詩卷流連間  
話玉堂逸事以永斯樂也今嗣榘亭以集見貽遂  
以書於集之端集名古劍者以御舟中所賜之翰  
墨名之也



清瑞堂詩集序

清瑞堂詩趙學齋先生之所著也先生早歲慕文  
取源深富自予為諸生先生往來吳中輒心儀其  
人讀其詩藹然和風之襲體也雍正五年予至京  
師寓館與先生相隣竝暇則過從唱酬懽然無間  
嗣此文字往復垂二十餘年其間聚散離合之跡  
具於先生序予詩者甚詳考其辭亦因以見先生  
愛厚予之深也乾隆十六年予再視學浙江而先  
生卒已二年矣試事竣往拜先生墓追維曩昔愴  
然有山陽隣笛之悲予既叙次先生行寔而誌之

芝庭文彙卷三序

三

復彙輯先生古今體詩得十卷凡應制遊覽憑弔  
咏志述情諸什多予向時所習見至寄贈和答之  
篇則為予而作者往往居十之二三儀矩宛然笑  
語如接忽念竟成隔世每廢卷而喏頷望蒼茫不  
自知其悽惋流涕也先生為人中坦而外易不為  
町畦崖岸之行好士若饑渴獎拔寒俊不遺餘力  
見人過必匡正之不為親厚有少假其天性然也  
故其詩和而莊順而不詭華郁而有則於先王優  
柔平中之教蓋無借焉先生少受業於何學士義

門又適當



國家文明暢洽之時中朝士大夫揚扈雍容類以  
通經學古扶樹風雅相砥礪先生進退揖讓其間  
靈衷善取日造於淵粹厥後致身獨座屢典文衡  
所至士風丕變而其中退然仍與寒素時無稍異  
是宜其詩之規矩教理得風人性情之正乎後之  
學者讀先生詩慨流風之已邈考逸範于遺文當  
信予言之不妄也

芝庭文彙卷三 序



同年齒錄序

士雋春秋之榜疇昔或同居遊或異鄉邑或九州四海姓名不相識皆為同年於是語其生齒先後及其世次著于策示母相忘非徒誌一時榮遇已也天下無窮之責望在焉而其年歲之早晚則有不能齊者孟郊年五十登第李東陽十七衣繡春明非其遇與雍正十三年秋余司衡江右得士百有四人今春會試都門彙次齒錄請余題其卷首夫同年之會唐宋以來達人名士每艷稱之見於文詞者多矣宋張尚書詠嘗謂人曰吾同榜中得芝庭文彙卷三序

三五

人最多謹重有雅望無如李文靖深沉有德鎮服天下無如王文正面折廷爭有風采無如寇公當方面寄則詠不敢辭嗚呼豈非盛與國家觀文化成養士百年之澤至深且厚聖天子崇尚經術嚮用科目諸子今且第春官上玉堂異時馳驅四方聚散執掌之會追憶盛年九衢連轡覽斯策也行且徘徊延眷而不能自已將所以為茲錄之光而無忝先民者其亦必有在矣



任幼植詩集序

漢武帝立樂府採詩正以宮商協六律以宣之故詩之比於音者為樂府曰解曰艷曰趨曰亂其節段也晉魏以還轉相祖述辭不相沿均和未失唐之作者假託古題歌咏時事雖云淵雅皆徒詩也崆峒滄溟揣摩倣效求肖漢風以云叶肉調絲匄金鏗石蓋其難之夫探竒好古抽思揆藻之士憲無不咀角含徵選聲定拍異以上諧古先吹噓絕灰下唱來喆第聲譜微渺承學無從么篇短韻唐法抑又湮焉然靈輿幽則之旨抗墜綿促倨矩句

芝庭文彙卷三

序

三六

鈞之族精心疏討若有可尋君子樂其文美其寔窮源盡變意極而手追以導達其沕穆冲涵之德繪畫其及身所被太平廣大之盛治是豈有不懋者哉任子幼植治詩好樂府辭尤篤其積充然且與斯道甚適如絃在桐拊之而益永也如金在冶就範焉而不躍也溟溟屈動則鯨魚碧海之觀也靜冶淫齋則翡翠蘭苕之戲也即其所就既有以異于人人矣吾又烏能涯量其所至哉予慨夫治詩者之漸失其本也於任子樂府之辭不禁反復不置云



飴山詩集序

國初詩學之盛在山東首推新城王先生主盟壇坫者垂五十餘年益都趙先生晚出不肯為之下著談龍錄以見意願其推新城曰大家曰言語妙天下其傾倒於新城者至矣兩家子弟尊所聞互相訾訾迄無定論予嘗以楚辭評之曰浴蘭湯子沐芳華采衣子若英靈連蜷子既留爛昭子未央此王先生之詩也桂擢子蘭榘斷冰子積雪采薜荔子水中寒芙蓉兮木末此趙先生之詩也今夫花有春秋日有寒暖月有晦朔一氣之所嬗而芝庭文彙卷三序







惠道士詩彙序

予聞老子之道其要在致虛守靜以多言為戒故自漢以來羽人方士有所著書大都不外乎金丹內景之旨不以語言為工而以詩鳴者在唐唯吳筠杜光庭鄭遨而已筠詩沈鬱詭麗有騷人遺風杜鄭才不逮吳清音遠趣時見于篇而三人者皆以高行聞然則多言又豈足以病道乎哉圓妙觀道士惠靈中者名家子少時辭親學道通於文翰自以稟承師訓不欲為無益之言願嘗南遊龍唐山問法于天師北之京師充

芝廡文彙卷三

序

三元

御前供奉歸而建藏經閣終老圓妙觀登臨酬酢偶有吟詠漸成卷帙今年夏既化去予令其徒檢錄之存十之三詞旨清簡不染塵俗以之追陪杜鄭諸公蓋庶幾焉昔鐵竹道人施法師道行甚高與曾王父交最篤王父亦甚敬之屢見于文詞靈中其法裔也自道人之亡吳之羽人方士其能有以自表見者少矣而靈中乃今以詩傳此余所不忍沒者也因為之序如此



芝庭續稿自序

予少好為詩自為諸生即入城南詩社與沈歸愚先生及徐龍友陸學起諸子比切宮商寄傲風月誠樂之既通籍與太倉張南華錢胄伊為同年友又同直禁廷晨則聯佩於朝夕則和歌於室長言之咏歎之不自知其手之舞足之蹈也其後奉使滇黔究豫楚越之郊扈

蹕於瀋陽長白木蘭之地攬山川之勝槩問風俗於遊方作為篇章誌歲月備遺忘而已其於古人興觀羣怨之旨溫柔敦厚之風要無當也洎乎陳

芝庭文稿卷三

序

四

情歸養懸車息老

覆載之恩不遺於草芥魚鳥之性自得於江湖觸物抒懷自喻適志庶幾乎康衢老人滄浪孺子之遺聲焉後人之讀予詩者可以知予生平之大致矣前此已刻十卷輒自悔其淺陋茲所續四卷手自刪葺錄而藏之平昔交遊零落已盡無復與言詩者予以質諸鴻濛焉傳與不傳予又惡乎容心哉



功園詩草序

顧子景岳嘗集友朋詩為停雲集其於崇川得施生詔六既而詔六以詩問序於予云將以行於世余聞詩所由作皆發於情之不容已故感春而思遇秋而悲其蘊之於中者深斯出之於辭也達雖才力厚薄學問深淺各有不同苟其正情而善辭則聖人有取焉蓋詩之為教如此也詔六之言詩曰風藻本情性吉趣趨倫彙其足以知之矣又其思故鄉之辭曰人生何必遊九州釣遊只合戀故邱抑何與予之志不謀而同也其他所作大都直

芝庭文稿卷三

序

四

寫胸臆不藉雕琢視古人未知何如要與夫濫音綺語為工者相去遠矣昔者蘇子由好為文欲求天下奇聞壯觀以知天地之廣大既而北顧黃河慨然想見古之豪傑故其父曰以雄宕吾謂黃河特域內之水耳使子由登碣石眺扶桑不且如河伯之望洋而嘆哉詔六自崇川往來吳門時復揚帆海上蒼茫萬里顧盻自豪其視子由所得果孰多而孰少歟杜子美贈孔巢父云詩卷長留天地間釣竿欲拂珊瑚樹必如是而後可語於古人之詩願詔六之進而求之也



小停雲詩序

王子岡齡先卜居楓江之西塘治園林聯儕好著西塘唱酬集亭池之勝烟雲花月木石之竒籠鑄雕繪無有適情予雖未獲一遊而其邱壑風物之美如接於目曠然若遇于神明也既而移居盤溪在南園之西偏與余所居葑溪相隣近水木明瑟阡陌交橫滄浪清波透泆淪漣晴天懸影矗然平霄者瑞光塔也岡齡觸景興懷嘯侶相和較西塘時益盛寄予小停雲詩淋漓清綺脩脩乎出埃壒之表以知岡齡樂於是甚深也人生蹤跡如飛鴻

芝庭文稿卷三序

四

印雪即岡齡所居時而西塘省而盤溪前者不覺戀現在者適相值也境之變遷何定之有惟吾心真樂有不與境推移者又焉往不自得哉予鄉沈歸愚先生為岡齡夙所師事時扶杖過盤溪題詠獨多岡齡精心往復所業六日進憶予歸養之年穀雨花開主人折柬相邀展兩歲名人舊蹟摩弄竟日繼以清談如置身停雲畫卷中今幾年矣讀岡齡詩追維注事擁卷微嗟歎其得所宗師能不改其樂可貴也岡齡善六法與文衡山相上下詩品冲淡亦雅類焉故以小停雲命集云



羅敬亭壽序

乾隆三十年予承

命典順天鄉試得士頗盛寧都羅生有高其尤著者也生今年以尊公敬亭君七十加一為文述君行事謁予請序臨生所述意質語淳予以是知君之秉德敦義本于天宗於學積於不懈純固而堅強是宜何休履吉協者壽之應也詩曰天生蒸民有物有則民之秉彛好是懿德蓋萬彙莫不奉于天而人之能全其天者少矣蓋不學無以全其天學而不繼亦無以成其學也董子曰知自貴於物

芝庭文彙卷三序

四三

言學之不可以已也孔子射矍相序點揚解而語曰好學不倦好禮不變旄期稱道不亂者不在此位也言不懈之難也君自幼矜簡繩趨尺步謹於言動壯愈篤老而彌勤其教子弟也必以朱子小學先之曰蒙不端後且莫正矣其侍父母疾及當大事盡誠盡愛蹈於禮不即於悔志明守定不為青囊家所搖惑君之學而不懈如此是能全其天者也予嘗謂善學者克全其天而已天體不息故善全其天者其學不懈昔吉水羅文恭童年讀王文成傳習錄至忘寢食其後仕于朝言不用退隱



石蓮始終一節文恭之學學之克全其天者也其  
不懈也天之體本無息也予嘗以此為學者最而  
於生尤惓惓焉寧都為文成過化地而文恭則其  
國之先哲也予固欲進生於道而不知生之得之  
于其家也亦已久矣詩曰夙興夜寐無忝爾所生  
予於生有厚望焉生能進於是其為尊公壽也至  
矣乎

芝庭文彙卷三序

予於生有厚望焉生能進於是其為尊公壽也至  
矣乎



月滿樓詩文集序

士具通明瑰麗之才其於天地古今之故必有以  
詳其器數究其義理而後宣之于文如雲霞之璀璨  
也如川瀆之分流也如椀絲纂組之連引不窮  
也見者徒震其才之異而不知其握鉛槧試丹黃  
歲月之勤亦已久矣韓子云赫膏油以繼晷恒矻  
矻以窮年柳子厚云未嘗敢以輕心掉之怠心易  
之蓋古之作者往往而然也同邑顧子景岳自少  
以詩文名其詩則祖述三唐隸事博而蘊味深古  
今諸體悉有典則也文則雍容都雅文質相兼擷  
芝庭文彙卷三序

四五

徐庾之芳華效歐蘇之論斷家法森然不相混濫  
也其甄藻錄一編攬撫記注尤稱淹博庶幾該爾  
雅而婉窈初矣蓋其天資穎異既什百于常人同  
應奉之五行追陳思之七步又能枕經藉史下逮  
百家九流亦各仰取俯拾醞而成章是其所蓄者  
富宜其光之所發遠而有耀歟方當  
景運鴻禧人才蔚興

廷試江南貢士特擢第一旋得雋鄉闈受知名公  
卿有國士無雙之目頃承

明詔搜訪遺書應有司之聘入局校書分青藜之



焰探二酉之藏他日承明著作其兆於此矣家有  
月滿樓緗帙縱橫名流踵至東南壇坫之盛其不  
在斯乎景岳固嘗受業于沈文愨公憶公在時所  
以推許者甚至詩文集凡三為之序子期之於琴  
伯喈之于桐不是過也今公墓有宿艸聲塵未沫  
賴有高第弟子接武於後而公為不歿矣于其請  
也因為之序以張之

芝庭文彙卷三序

四六



芝庭文彙卷四

長洲彭啓豐翰文

記

賜遊香山記

歲在重光時逢暢月天閭洞啓南郊之禋祀方虔  
列辟來朝北闈之鴻禧畢集捧霞觴於禁籞添寶  
籙以萬年道暎重華載舉闢門之典德敷文命爰  
敦尚齒之風逖稽盛事於會昌首唱賡歌於  
睿製自王公而下逮御尹列采交輝由耄老而更  
過期願繪圖式序既優崇以殊禮兼錫予之多儀  
芝庭文彙卷四 記

堦仰瞻

宸藻之輝煌聿識佩文稽古遐矚雲容之靉靄特  
標帶水屏山軒號澤春柯葉長滋蒼翠巖名對瀑  
林霏暗灑珠璣於時晴旭新開飛塵頓斂細旃廣  
廈撫樹石以盤桓曲磴回廊繞池塘而憩息浥三  
霄之玉液茗椀生香支九節之靈筇蒸光有耀麗  
矚皓髮疑五老之游河東帛安車類四皓之覲關  
每十年而一舉以莫不增積千歲而有加方興未  
艾台陰陽之序竒偶相循應天地之和安懷各得



人不天札物無疵癘百靈朝而魚鳥躍五緯順而  
虬麟來景貺於昭休徵畢致天符大順曠古希逢  
退誦

王明恭成小記并紀同遊諸臣系於後方用章榮  
遇永繹

殊恩且俾後人有所考焉

文職王大臣

顯親王 大恒親王

大學士 劉統勳

協辦大學士 官保

芝庭文彙卷四

記

尚書 託庸 素爾訥 楊廷璋

侍郎 吳紹詩 三和

武職大臣

都統 四格 曾瑞

散秩大臣 國多歡 甘都

副都統 伊崧阿 薩哈忒 李生輝

富僧阿 色瑞察

在籍大臣

尚書 錢陳羣 陳德華

內大臣 福祿



侍郎 彭啓豐 鄒一桂

內閣學士 陸宗楷

副都御史 呂熾

詹事 陳浩

司業 王世芳

芝庭文稿卷四 記





開化學尊經閣記

府縣學建閣儲經籍曰尊經閣舊矣閣所儲經史子集皆在焉特曰尊經明經之為載籍首也予以乾隆十八年夏科試衢州而衢之開化縣尊經閣落成教諭蔡朱漢謁予為記以勗多士予乃進多士而勗之曰夫經者常也常道也人倫日用無一可離乎常道即無一可離乎經故曰六經者天地之心也漢唐諸儒以專經教授各有師法綿延不絕大儒間出若董江都王河汾韓昌黎能識其大微顯闡幽闢邪崇正厥功偉矣其所自出一以六

芝庭文彙卷四

記

四

經為本迨有宋周程張邵諸儒代興通乎性命徹乎天地所著書旨約理精抉經之心朱子繼之而集其成道統昭焉夫豈外六經之旨而有所謂道統哉其自言所得蓋亦不外乎博文約禮溫故知新而已如是而後可語於尊經陋矣乎漢夏侯勝魯風學者也其言曰經術明取青紫如拾芥志乎利祿之途文經言以決科發策宜其言之云爾也其侮聖人之經亦已甚矣得謂之尊經哉由前之說循循乎人倫日用之間無一可離乎常道即無一可離乎經是謂尊經由後之說志乎利祿之途



不得已而治經以濟其私是謂侮經多士將何從  
焉開化縣縣之僻者也貢生黃錫武首捐貲建閣  
縣之士共成之多士之志趣可觀矣其勿忘予言  
遂為記以刻諸石

芝庭文集卷四

記

五



不問也... 濟其... 是謂... 多士... 將何... 從焉... 開化... 縣之... 僻者... 也貢... 生黃... 錫武... 首捐... 貲建... 閣縣... 之士... 共成... 之多... 士之... 志趣... 可觀... 矣其... 勿忘... 予言... 遂為... 記以... 刻諸... 石



江蘇巡撫題名碑記

古帝王設岳牧以臨兆民使之倡導察采紀綱庶政得其人則政脩民和封疆寧謐所繫不綦重哉今之巡撫即古岳牧也其事權與唐宋節鎮相埒非具文武才持大體識先務者不足以當之蘇州之設巡撫都御史臺自明永樂間始垂三百年其有寔德於民者若周文襄王端毅兩公為最著我朝

聖聖相承薄海內外罔不率服江東財賦重地民物殷繁

芝庭文彙卷四記

六

宸衷厘切而尤慮其浮靡軫其凋耗慎簡名公卿駐節於此其德粹學醇清風亮節著聞朝野若湯文正公張清恪公誠足為一代之儀表者與

皇上紹承

祖烈四巡江甸恩施汪濊每於駐節大臣諄諄訓勉以澄清吏治奠安元元為急務偶遇水旱即議賑貸緩征惟恐一夫失所此真曠世之仁矣為巡撫者往往能靖共匪懈憂樂同民政成之日遂得躋登台輔調燮綸扉洵明良一德之盛軌也乾隆三十四年總督高公受



命攝巡撫事期年張弛有經政刑安靜民以不擾  
每自江寧按部至蘇童叟觀化頌聲洋洋既乃以  
題名碑屬啓豐為之記夫名之係於人重矣昔羊  
斟子出鎮南夏綏懷遠近甚得江漢人心嘗登峴  
山慨然語其僚屬以為此山常在而前世之士皆  
湮沒無聞自顧歎歎而襄陽百姓為立碑峴山至  
今峴山以斟子傳韓魏公任安撫使涇原秦陝之  
間惠愛在民既去民為畫像立祠賢者所至之地  
澤加於人人故思慕之不能忘也况我吳自秦伯  
以讓德流徽子游以文學敷治三代直道之公猶  
芝庭文臺卷四記

七

有存焉故其人敦尚禮教易感以息為民牧者苟  
有德澤施於民其謳歌思慕歷久而弗衰詩曰民  
之秉彜好是懿德斯之謂矣竊以巡撫之職奉璽  
書秉節鉞宣暢民隱出納

王命非徒張皇恢廓而已將使府事脩明協氣旁  
達以迓天休而流大澤俾風俗反古水旱不作上  
報

聖天子加惠南邦之至意庶幾令聞令望永垂於  
無窮不獨方今士民沐膏澤而咏歌已也爰為之  
記并書姓名於左



長洲元和吳三縣會館記

乾隆二十八年秋蘇州人在任者卜故歸尚書第  
置長洲元和吳三縣會館先是百年中議始者數  
矣卒中道輟及是乃觀成焉蓋其難也夫力之施  
於私也易以公則難何也為其有我也事之成於  
獨也易以衆則難何也為其有人也公其所私合  
衆于獨古之人所以渙羣萃群之道如是而已是  
役也費白金凡三千餘兩輸金者凡若干人其姓  
名具列於碑

芝庭文彙卷四記

記







重脩獅子林畫禪寺記

在昔元至正間有大德天如禪師者得法于天目  
獅子巖幻住和尚已而駐錫於蘇之東城疊石為  
山名曰獅子林識法原也禪師既得教外別傳復  
大宏淨土之教作為或問以破羣疑而堅正信斯  
真人天之寶筏安養之導師矣禪師既示寂後二  
百餘年當明神宗朝有住持僧清菴者行腳至京  
師求領龍藏肅皇太后聞而賜之當崇禎末居士  
陳日新自會稽來閱藏於此首唱建藏經閣復構  
大殿又百餘年常住如故而殿宇圯壞不治乾隆  
芝庭文彙卷四 記

十

會

十二年杲徹上人來住於此脩念佛三昧日夜勤  
懇德聲普聞四衆趨仰于是重整大殿聿新三門  
聖駕南巡親幸茲寺勅名畫禪復賜以內府新刊  
大悲經而禪師墜緒乃復振焉居數年上人示疾  
以後事付監院宏通面西正念泊然而逝已而宏  
通介里中徐翁宣初述斯寺脩舉本末而屬余為  
之記余惟佛說法方便多門其教人橫截生死速  
證涅槃者莫要於淨土一門經言從是西方過十  
萬億佛土有世界曰極樂其佛號阿彌陀若有衆



生願生彼國持誦佛名一心不亂自一日以至七日皆得往生生彼國已即得不退轉地直至成佛信斯言也人亦何憚於淨土而不發往生之願乎嗚呼衆生無始以來貪著形軀繫戀食色彼固以為生人之道宜爾也孰知此不淨之身本非寔有識風動作妄生欲愛以臭為香以苦為樂智者視之無異蛄蟻之轉丸蜉蝣之耀羽也如斯人者又安知五濁之外有淨土之可生乎夫惟心濁故土濁心淨故土淨彼不信有淨土者是不信有淨心也不信有淨心者其可謂之喪心者矣上人既西

芝庭文稿卷四

記

十一

歸宏通能守其家法六時禮誦無異徃時頃募建大悲閣不踰年而觀成其才有足多者予願宏通發宏誓願攝諸衆生同歸極樂庶幾淨土之教大昌於今日以證明天如或問之旨豈非末法中一大事因緣也哉若夫護持法寶莊嚴佛事則固宏通所自具也予無容贅言已



春艸閒房記

昔吾鄉耿菴金先生生當明季棄去巾服遺榮養高所居在雙林里老屋數間自題曰春草閒房一時耆舊杖履追從焚香瀹茗翛然自樂汪鈍翁為撰墓志蓋詳述之迄今且百年問其遺居泯然盡矣吾友郭君歸邨六居雙林里慕耿菴之高致即其所居故地構屋三楹仍以春艸閒房為額吳中第宅自宋迄明若蘇子美之南園倪高士之獅子林文震亨之香草垞姜貞毅之藝圃其疏築高深結構幽邃名流觴詠俱極一時之盛顧不百年而

芝庭文彙卷四

記

十一

俱成陳迹今耿菴所居僅可容膝而一再傳後且有續而新之者後之人慕耿菴而不得見覩其遺居如見耿菴矣士君子履潔懷芳不貪榮于世恒託諸美人香草以喻志觀耿菴之所以名其居者而其志可思也昔濂溪周子窓前草不除云與自家意思一般即春草之榮枯見化工之消息推諸鳶飛魚躍時行物生又焉往而不自得耶予過雙林菴觀耿菴所畫墨梅蕭疎生動如有暗香襲人歸邨令子載春寔珍弄之曰思耿菴當日與予從高祖貽令公同里閒志氣之高略相似兩家子弟



宜有所紹述乃風微人往即縑素亦僅有存者而  
郭氏獨能修舉廢墜傳之藝林是可嘉也爰述所  
見聞而為之記

芝庭文彙卷四

記

前  
十二

長問

宜有而論



碑

宗丞相陸公祠堂碑

宗故丞相陸公秀夫字君實景定元年進士巫山之難負帝沉於海事具宗史公生三子次仲良仲良生達卿卿生旭即叔旦公也由鹽城遷平江元季避亂隱居海濱之冠裳里子姓繁衍簪纓不絕至

本朝有諱經遠者由進士歷官至大通政子英秉鐸望江四百餘年代有聞人要皆公之孤忠英烈有以啓佑之而後光昌至今也惟公生當阨運宗

芝庭文彙卷四

碑

十二

室傾壞摧裂公猶欲挽日雲淵冀效一成一旅之績嗚呼豈不偉哉余嘗論千古亡國之慘莫過南宋而人才之盛亦莫逾南宋文信國張越國及公三人者忠義奮發感天地泣鬼神向使非大命之訖即艱難屯塞何事不可濟乃託足海航淪胥以殉曾子云臨大節而不可奪史遷云死或重于泰山其是謂歟公第十三代孫曰清臣屢欲建祠以彰先德子時佐善承父志即於冠裳里度地九畝鳩工建祠奉丞相像并旦木主配享焉春秋展奠俎豆秩如于以崇先德肅宗初星辰河岳寔昭監



之不獨平原子孫有所感發興起也系以詩曰  
臯亭屯兵黯霧穿颶風大作潮不收朝衣投淚深  
淵投天命如此夫何尤杜鵑啼血遊魂愁騎鯨被  
髮過神州瓣香肘蠻通潛幽子姓趨嗆心豫亢雲  
旗髣髴逝不畱我峨廟宇隆千秋蒸嘗世祀邀神  
休東江之水清且悠臣忠子孝大節侔迎神送神  
歌清謳

芝庭文彙卷四

碑

十三



甫里二蔣先生合祠碑

甫里在吳城東南四十里唐高士陸魯望祠在焉  
祠之旁有室數楹曰蔣公祠蓋以祀鄉先生公表  
公遜者也兩先生故產於吳之婁門康熙初遇歲  
大祲公遜設廠甫里煮粥以賑公表左右之尤西  
堂先生詩云惟有角川人鼓腹蔣家雖瘦萬家肥  
蓋寔錄也厥後公遜卒土人以公遜有造於甫里  
建祠祀之其後南翔饑公表移穀三百石賑之全  
活無算公表沒南翔之民泣而言曰我鄉無以祀  
公有角川祠在盍以祀兩公於一堂遂告之有司

芝庭文彙卷四

碑

十四

上其事於督撫許之由是兩先生咸祀于甫里里  
人以二丁奔走祠下修祀事焉予惟古者有功於  
民則祀之能禦大災捍大患則祀之方夫菜色盈  
野場目愴心卒然毀家援手溝壑固其一體之仁  
感發於不能自己夫豈意其流聲邑壤哉然而秉  
彝之好矣世同心尸而祝之亦斯民之所不能自  
已也公表諱維城以貢生老公遜諱德峻擢上第  
終以不仕家素封能緩急人於死生呼吸間所濟  
者甚衆即甫里之事觀之其槩可知矣啓豐以鄉  
曲後進瞻公之祠巋然湖濱髣髴其生平不勝仰



心之思焉爰為歌以侑公歌曰

維桑梓蔭四垂盼雲中蹇靈旂神之來錫爾釐昆  
與季吹堦篴工奏樂史陳詞樂公社庚桑尸乎以  
誠公無私佑我民比羅池神之去颺輪馳歲無侵  
風雨時薄夫敷百世師

芝庭文稿卷四

碑

十五



明貢士貞孝顧先生祠堂碑

前明長洲貢士顧先生之歿也閱今百餘年邑中  
人士追慕先型私謚貞孝先生乾隆二十二年建  
立專祠於花谿故里棟宇崇闕門扉修整有司以  
時脩祀事置祭田若干畝勒石以垂後曾孫濟美  
屬啓豐撰麗牲之碑謹按郡人盛王贊所撰先生  
墓志云先生諱國本字君寧世居碧鳳坊幼喪母  
哀毀如成人長而事父及繼母盡孝父病亟籲天  
祈以身代父夢神人授以藥病遂瘳既壯補長洲  
學生為學原本六經兼綜諸史發為詩文莊重典  
芝庭文彙卷四



也夢之感召豈偶然哉今顧氏子孫繩繩日以昌  
大宜乎崇報奉之誠而聿新其祠所謂積善之家  
必有多餘慶者歟先生嘗築澹園甃瓦井為徑植名  
花卉與范長倩陳仲醇鄭士敬輩往來無間矚然  
於塵埃之外而風世勵俗英爽洋洋其與世常存  
者又在彼而不在此矣乃為迎饗送神之歌其辭  
曰

遶花窈兮芳樹瞻雲棟兮起遐慕神來兮踟躕棲  
林泉子吐烟霧擊鼗鼓兮吹笙紛子姓兮趨盈庭  
神惝恍兮陟降覩昭明兮洞幽扃薦黍稷子馨香  
芝庭文彙卷四 碑

十七

陳佳蔬子潔蒸嘗神之去子徬徨懷芳蕊子永不  
忘



資政大夫總督倉場戶部右侍郎崔公祠碑  
蒲州崔公既歿十餘年其鄉人思之即所居里度  
隙地為祠以祀公于是公子雙蘭致書于子屬予  
文其麗牲之石公嘗再督學江蘇江蘇士大夫服  
公之教往往能道公之為人公平生服習聖人之  
教於易詩書大學中庸論語孟子諸書沉潛其義  
訊心有所得輒著之於書積十餘卷其居官行事  
毅然有法守不為苟同之行有可利民者排衆議  
行之巡撫陝西時關中渠道湮沒頻苦旱公憫然  
不寧興工鑿井九萬餘民以為利又按古鄭白渠  
芝庭文彙卷四

碑

十六

故蹟開七十餘渠溉田無算總巡撫湖北湖北歲  
食淮鹽大賈牟利價日益為民厲公奏請核定鹹  
價分地行鹽以便民  
天子召公面陳利害時有異議者公爭之力會以  
事挂吏議不果行既家居嘗於旱歲糴穀以賑有  
餘穀擇鄉之贖者主之春秋散歛為經久計鄉人  
賴焉公之不負所學於數大端見之矣聖門之學  
莫要于求仁仁之為道非盡性者不能至然求仁  
之方可得而勉也推吾不忍人之心行吾不忍人  
之事眈然其各足也沛然其莫禦也達之天下無



難也然而一私蔽心人我成敵衽席之間門戶之內猶有異心焉而况乎其踈逖者與自三代以還禮讓之化微翬競之風熾其不以此哉公之行無他文字可徵缺然不備具而其獲施於世者至今人猶思之而鄉人之思公也尤深不徒思也而必為祠以祀是即斯民好是懿德之心之同然者而亦即聖門求仁之方也系以詩曰

猗美人子亦我所思學於聖人子能自得師維自得師子善推所為為不盡達兮予心不欺井渠活活子秦民之懷退用之鄉子鄉人無饑鄉人飽子  
念由來雲旗閃閃子公不可追食公之德兮涕泣漣而以祠仲思子春秋薦築鄉人此心子廓然匪私人人自反子公為汝師

芝庭文彙卷四

碑

十九



宋氏三賢祠碑

雋邱斟酌橋之側有祠巋然長洲宋氏三賢祠也夫先賢之祀於雋邱者多矣或一世或再世莫有繼而興焉子孫以時脩豆籩會族姓而已若能以德業世其家偉然相望於後先之際者未數數見也宋氏世為吳人當元之季有文傑先生者諱通以平亂功封萬戶侯嘗散家貲數萬金為一方保障年饑賑貸錢粟代鄉人償逋賦所全活且萬人元公而遜臨城西之楓橋洪武初徵賢良不起老於家雍正元年子孫建專祠於盤門內後十一世芝庭文彙卷四

碑

十

為聞士先生諱兆鶴躬孝友之行以先世遺產分讓諸弟康熙中官河工州判有子曰熹墨先生諱照官翰林編脩旋題里杜門讀書深於經學乾隆元年應薦北上充纂修三禮官尋卒于京師令嗣况梅既免喪奉兩世神主祔文傑先生祠乾隆二十九年况梅巡撫廣西以舊祠傾圮遣子思仁改卜於雋邱山塘閱數年始說工復置田二百畝供祭用竝以贍族之貧乏不能自存者其用意至深且厚矣予惟古者祭法自有服之親上溯始祖其間有功德者則宗之此尚賢之義也近世士大夫



家徃徃行其法或勲績著於朝野或風流被於儒  
林其子孫既世食舊德即鄉邑之士聞其風者亦  
有高山仰止之思焉至於廣田之所入以庇於而  
宗此又能推一本之恩而善繼前人之志者戚戚  
兄弟莫遠具邇詩之所以歌行輩也予既推宋氏  
世德而嘉况梅任恤之風思仁更能踵而成之此  
數世之仁也豈不美哉系之以辭曰

傍海湧子嵐霏渡略約子停駮駮神來兮凌遲撫  
玉珥子舉雲旗崇淳德兮秩祐構華堂兮抒永慕  
薦芳楸子芼蕤羹慰秋霜子睿露神降子旁皇鶴  
芝庭文彙卷四 碑  
廿一  
颯子翱翔瞻椽楠子煌煌肅駿奔子冠裳歌衍樂  
子既醉迓蕃祉子天畀神之心子攸寧鑒孝思子  
不匱



傳

其父惠徵君傳

君名棟字定字元和諸生惠學士仲孺先生之子也自幼志承家學稽古不怠經傳訓故諸子諸史道藏星官醫藥之書下逮稗官雜記靡不窺究精力絕人強識暗誦至老彌篤尤好漢儒之學網羅兩漢及魏晉經生佚說參伍考訂經文經義表裏穿穴必疏通證明而後已著九經古義二十卷周易本義辨證五卷易漢學七卷古文尚書考二卷左傳補註一卷明堂大道錄八卷禘說二卷外續芝庭文彙卷四

傳

廿二

漢志攷若干卷諸史薈最若干卷而周易述二十一卷未脫稿而卒然其生平精力尤在此書病亟時嘗自言所得且嘆真賞之殆絕云乾隆十五年詔舉經明行修之士兩江總督黃公陝甘總督尹公皆以其名上其後九卿傳  
旨核定得四人而君不與繩而杜門益著書沉潛刻苦守漢學不變泊如也往仲孺先生督學廣東以經術倡導諸生君實左右之及修築鎮江城毀其家君奔馳盡瘁遭兩喪不以貧困廢禮既乃教授生徒藉館穀自給日事編摩造次顛沛未嘗釋



手晚年就揚州鹽運使盧雅雨聘雅雨深敬之粹  
其周易述以傳君行義至高雖貧得財輒分與同  
氣未嘗輕事干謁通家故舊希造門相往來怡然  
治經有以自樂室無斗粟之儲若不知也卒年六  
十二子三人承緒承耐承萼

舊史氏曰班史傳儒林謂一經說至百餘萬言大  
師衆至千餘人祿利之路然也惠君淡於仕進而  
窮經以終其身蓋學漢儒之學而不志漢儒之志  
者以列儒林傳奚忝焉

芝庭文彙卷四

傳

廿三



韓補瓢傳

自予為諸生與補瓢韓君同受知於學使林象湖先生君長於予風儀俊偉潔身植品慎交遊內行醇脩人無間言事母呂太君孝謹母病躬侍湯藥閱兩月不懈母歿哀毀幾滅性築室居墓側者三年父聲谷先生年六十矣君曲盡子職脩物養志竭愛日之誠從姪暢幼孤君撫之長而教之俾有立君生有異稟記誦闕博尤嗜史記漢書工詩善晉唐楷法聲稱翕然聲谷先生年八十三而終嘗自營壽藏於香山之麓君啓壙涕泣銘之曰生子

芝庭文彙卷四傳

廿四

不類予孰顯吾親天錫眉壽子令德維新嗚呼可以覘其志矣韓氏世有顯人而君矩範自繩處豐而約門以內靜樸雍和無驕侈之習喜濟人急姻族有貸者周之貧不能治喪者資以財其生平大槩如此所著有補瓢詩稿四卷詩餘一卷古文一卷沈躄愚先生嘗論定之其弔古之詩尤沉鬱

有奇氣

君名驥字其武齊時年六十一子二鍵歲貢生是升邑庠生能讀父書

舊史氏曰吾鄉韓氏自文懿公以文章為天下宗師而其族往往多文學之士補瓢為文懿公從子能折節讀書矚然塵埃之外詩歌古文詞醞藉醇



雅多可傳者士貴自樹立身外榮名其有無詎足  
論哉

芝庭文稿卷四傳

廿五



論卷

芝庭文稿卷四傳



教諭韋君傳

韋君諱前謨字儀喆安徽蕪湖人也祖諱弦佩順治中進士官吏部郎中祀名宦鄉賢父諱聖功以貢生知河南新鄭縣韋氏世以治經為業至君益欲推所學大施於時雍正元年以歲貢生為泗州訓導師道自嚴呂諸生講藝進其賢者能者而勸導其不率者必使之悔悟自奮乃已縣有楊生素悍戾數忤其父君為開譬至再四楊生大感慟折節自改及君去官楊攀輿而泣且曰微師吾終不可為人矣遇水旱賑卹輒微服溷鄉人間問所疾

芝庭文彙卷四

共

苦畢得其幽隱從而酌劑益損之眾驚服無敢欺冒者康熙間泗苦水有

詔除其賦至雍正五年而報淤報涸者紛起吏因緣為奸又添設潼安衛追徵積逋民苦之已而

詔下有司清丈其地畝君曰公委密為條議分析一地兩糧及無地存糧者共若干頃陳之副使何君宗韓並請裁衛以便民何君竟據之以聞遂尋減歲賦七千兩有奇而潼安衛亦罷七年以父憂免十年服除補金壇訓導却私饋金壇學生畏慕之遷溧陽教諭又二年以疾歸年六十六終於家







程玉生傳

程生之殤予既為哀詞哭之矣尊君訥菴痛之甚流涕而言曰兒以歿祖殤其志足憫也丐為之傳乃傳之曰程生名樹字玉生丰神秀爽通眉明眸彷彿可圖畫夙具異稟下應奉之五行記安世之三篋茹古吐今學殖日厚初試童子覆誦十三經抽帙以試無不立應講貫經義肌分理解遂遊泮林揚光蜚聲鉅公喆匠咸加欣賞宿儒愕眙避席曰今之程篁墩李西涯也摠衣雅步動必循禮恂恂莊莊無惰容無勦說嗜書成癖尤工塗詠秀句

芝庭文彙卷四

傳

廿

絡繹多聞續言蔚起詞林者也天性粹美篤於倫理居王父喪血淚溢輒哀毀致疾遂不起嗟夫程生年甫弱冠志氣卓犖使其揮毫射策記五經之同異發五緯之光芒寧不足以自見耶乃玉樹旋摧叢蘭遽萎將無琳宮玉宇作記湏人為上帝所閱重不肯使之沉淪下界蠹耗其精氣耶予讀李玉溪所為長吉小傳初以為荒渺不可徵及今觀之乃信方程式恒化時或傳紙窓烟氣有行車嚙管之聲安知無緋衣人為之前導耶洵乎才而奇者不獨地上少也可慨也夫



劉孝子傳

吾鄉有孝子曰劉彩菴名炳字耀南幼喪父事祖  
盡孝家貧資束脩以養及歿驚宅以葬母中年而  
廢孝子奉旨甘必腆出遇時果輒懷歸客至設草  
蔬對食而母常列珍饌母嘗夏月患腹疾思食野  
鶩索諸市不得適弋人持以至得而進之疾旋愈  
嘗客華亭縣署未幾辭歸曰吾忍以升斗粟離膝  
下耶後以他事滯隣邑心痛急返則母病兩日矣  
日則蓬垢侍湯藥夜則對北呼籲願以身代比歿  
慟絕復甦既葬日匍匐往墓哭三年如一日自母  
芝庭文彙卷四

傳

九

沒春秋祭祀輒涕泣過市上見時果為母素嗜者  
輒涕泣忌辰悲號若始喪每獨居嘆曰吾母苦節  
未彰其何以為子屢陳母節於官乾隆五年得  
旌如制是年無疾卒  
舊史氏曰孔子云啜菽飲水盡其歡斯之為孝故  
力所能致者致以力力所不能致者致以心若劉  
孝子可謂致以心者歟至治之世民知返本嗚呼  
所從來遠矣



龐孝子傳

長洲堯邱山塘有龐孝子者名佑字中甫早喪母與父同寢父得孝子心樂之晨夕依依相憐也是終身不再娶父年六十餘病蠱便溺隆閉醫治莫能效左右愕視計無出孝子私跪中庭默禱凡三晝夜水道通患頓釋親黨交慶謂有陰相孝子者既乃稍稍聞知寔孝子吮啞所致云閱八年父歿哭踊盡哀不震內偕昆弟經營窶窵無失禮既葬父家事一票兄命不析產弟卒撫其孤孤亡又撫其嫠釋四人教養成立償兄逋負以千計襄戚屬中之不克葬者解推周急承父志一如父在時性嚴介不苟取與有賣珠嫗過孝子家遺金珠一篋嫗趨暴病死物主向嫗家索金珠不得訟之官責鸞產以償孝子知之還其篋封識宛然訟得解謝以金不受里中人嘖嘖稱道之初孝子之喪母也年六歲時吳江沈天將授孝子書記孝子事甚悉其略云孝子甫就塾喜聽說孝友事聞母病聲汨嗚咽越宿廢食寢母沒絕粒父泣諭之乃進食每哭母恐傷父心淚涔涔漬襟袖不敢出聲沈君之言如此嗚呼是可傳也已



贊曰子官京師同年友韓洗馬傳說里中還金事  
後過里門泊舟山塘山塘人每言龐孝子傳曰一  
介之夫能成名立方者蓋亦衆也孝子雖里閭士  
哉以彼所為求之古人何多讓焉

芝庭文彙卷四傳

卅一



芝庭文彙卷四傳

芝庭文彙卷四傳

芝庭文彙卷四傳



顧孝子傳

顧孝子載光字彤雲長洲人自幼有至性父濟美官湖廣糧儲道隨父于官侍奉至謹一日母患心痛投以藥不效彤雲叩天求代曰割股肉投於藥旋得愈人驗其癩痕疑而訪之有童子親見其事而彤雲不自明也及父為甘肅按察司彤雲躬送至蘭州既又趨迎其母崎嶇萬里衝冒寒暑由毫至汴而癰發於臂又得傷寒疾母憫之屢遣歸不忍母獨行以病愈告既歸里得渴疾而終彌留時執兄手書孝親二字於兄之掌含淚而絕年二

芝庭文彙卷四傳

廿二

十三

論曰割股事載於史者希矣然孝子不以身自私情發於天行成乎獨徃注有靈應固鬼神之所許乎載光即無割股事其至性過人固已遠矣為之傳無使其無聞焉



汝烈婦施烈婦傳

汝烈婦朱氏者吳江諸生汝殿邦妻也幼讀書通大義父夢鱗授以列女傳見節義事輒奮發及長手抄大父外大父遺集勤學如儒生母馬氏有胃疾晝夜侍湯藥累月無倦容年二十六歸殿邦治家能姑及伯如皆愛之生一子殿邦適疾婦禱於天願以身代疾革殿邦自視婦婦泣曰君卒不諱有相從地下耳是夕殿邦卒婦長號擗踊白姑曰姑善自愛幸有如在婦將死願視幼子謂如曰兒以累如姑泣如亦泣殮之曰婦首觸棺幾絕姑與

芝庭文彙卷四傳

廿三

如救之不死命婢密防之不復言死防者懈將匝月詭云兒乏乳屬伯如乳哺之入室遣婢於外扃戶縊家人覺之壞戶入救之絕矣婦平居容必飭將死以帛束髮衰麻加經焉既死脣合舌不出目不張如疾終者年二十九事在乾隆十年

施烈婦張氏者元和施文灼之妻吳縣諸生張少青女也年二十一歸文灼歸三載而夫病瘡且蠱逾年卒無子烈婦為夫治殮具詳謹既而好謂夫弟振聲曰夫不祿棄決兩代尊人去我年少未有所出并無應為嗣者我無意於人世矣於其善事



兩世姑我雖死不恨也遂上堂拜姑與庶祖姑及其本生舅姑曰媳罪莫道終不得事大人舉家驚駭慟哭防護不稍弛婦願稍稍示從容若無志死者家人亦漸安之矣屆五七親勿會弔事畢內外宦惚忽失婦所在視柩側麻衣纍然則懸旣在梁死矣事在乾隆二十年

芝庭文彙卷四傳



重修圓妙觀碑

粵考傳記天曰神地曰示天神之貴者曰太乙紫微帝座主以昊天上帝而司中司命風師雨師之屬隸焉地之分職者曰社北郊后土主以皇地示而山川嶽瀆邛陵方望之屬隸焉若其陰陽旋轉運以攝提斗為帝車制乎中央而臨四方者厥功甚大三代之世止以大宗伯主其祀而未有宮觀自秦立五時以祠官領之宮觀之興自此始漢唐而下莫盛於宋其時如玉清昭應景靈會靈皆以宰臣提舉優老臣正以嚴祀事也吾吳圓妙觀峙

芝蓮文稿卷四

碑

廿五

都會之中前為三清殿從乎太乙而推之後為彌羅寶閣上事天帝中事斗下事地示按諸禮經皆與古合其初創自晉咸寧二年名真慶道院唐曰開元宮宋曰天慶觀元曰圓妙觀明正統時巡撫周文襄公忱知府事况公鍾募建後閣後悉圮壞國朝康熙年間有施鍊師道淵彈心營建募白金四萬兩有奇大殿寶閣鉅工悉成越四十餘年法嗣胡得古重加藻繪擴方丈而新之繼起綿延紹承弗失乾隆十六年辛未

聖駕南巡在籍諸臣於觀中設經壇祝



慈寧萬壽

駕親臨視越六年丁丑再建萬福經壇

恩賚帑金三百為香火供

賜御書禁楸三一曰清虛靜妙一曰穆清元始一

曰珠杓朗耀越五年壬午又

南巡越三年乙酉又

南巡禮亦如之每當

宸罕端臨星開日朗羣靈陪位四望晃趨隱隱隆

隆愉愉穆穆懷柔百神而及河嶽亶其然乎乾隆

三十八年冬觀外居民不戒於火延及觀門與雷

芝庭文藁卷四

碑

三

尊殿門於是巡撫蔭公即飭諸僚屬議修葺勸輸

助遴高貲者八人使董其事期年告成計工二萬

六千有奇費白金六千二百兩有奇舉殿閣之摧

毀剝落者並加丹雘仍復舊觀矣夫郡邑之有祠

廟凡有水旱疾疫之災於是禱之然或專主一神

或散而無紀其稱名非古薦紳先生難言之今是

觀也崇效天卑法地百靈咸秩上下胥通用以虔

祀事而大報本典莫崇焉而况

六飛所駐萬姓瞻

天於以答景貺祝鴻禧其事又甚鉅後之有官守



與居斯土者烏可不加諸清閔而令尊嚴之地少  
生褻玩也哉謹誌其所以落成者而為之銘曰  
彤彤天閭當嚮向術層構鱗眴高門清謚吳會繁  
昌頰臨廣甸崇閣辦華下瞻寶殿孰典守桃鬱攸  
為宓迺鳩工匠神謀與諧重階鏗列飛檐帶霓旗  
不脫肩引曜日月補之葺之匪惟作之匪樸匪斲  
惟其丹雘金碧炯晃靈宮北祥乾端坤倪陽曜陰  
藏瑤壇祝嘏玉冊金書總集瑞命仰福那居  
帝車南指頻邀

天步容裔辰旒式我

芝庭文稿卷四

碑

三七

王度五雲太甲華蓋平臨懷河柔嶽六宇謳吟羣  
黎徧德永錫純禧萬年玉燭視此豐碑

與居斯土者烏可不加諸清閔而令尊嚴之地少  
生褻玩也哉謹誌其所以落成者而為之銘曰  
彤彤天閭當嚮向術層構鱗眴高門清謚吳會繁  
昌頰臨廣甸崇閣辦華下瞻寶殿孰典守桃鬱攸  
為宓迺鳩工匠神謀與諧重階鏗列飛檐帶霓旗  
不脫肩引曜日月補之葺之匪惟作之匪樸匪斲  
惟其丹雘金碧炯晃靈宮北祥乾端坤倪陽曜陰  
藏瑤壇祝嘏玉冊金書總集瑞命仰福那居  
帝車南指頻邀



重修蘓州府學鄉賢祠記

周禮大司樂合國之子弟於成均俾有道有德者教焉歿則祭於瞽宗此後世鄉賢祠之所自始也夫立學者既必釋奠於先聖先師矣而所謂有道有德者類能以先聖先師之道善其身而淑之人以被於來世是宜以禮尊之即所以尊先聖先師也蘓州府學自宋元祐間始立祠祀范文正胡安定其後改為五賢祠又改為先賢祠今之立於禮門西南者自明成化始也今年夏祠為風雨所破毀傷木主教授儲君訓導魏君謀葺而新之告

芝庭文稿卷四記

三

諸賢耆僉應曰諾各輸金以應選材精良高廣悉如舊制增飾祐主既固且安工既竣集子孫於祠奉牲以薦焉余嘗讀文文起序姑蘓名賢記謂闔閭城中賢士大夫未易更僕數而當世每謂蘓人多輕薄浮靡之習於所稱行已大節經緯文武之概蔑如焉豈其然哉今觀鉅公名流仁義佩於當躬名節炳於一世者後先相望其亦盛矣非被服於先聖先師之教者其能然乎凡過其里居述其姓氏靡不流連慨慕想見其為人矧傍官墻之數仞隆俎豆於二丁觀感而興者多矣可任其壞棟



之顏敗也歟孫卿子有言蓬生麻中不扶自直言  
所托之地然也吾儕幸生茲土蒙被世澤習聞先  
哲之遺言往行而不能自盡於人道以廟世勵俗  
將弦誦亦為虛文辭藻徒為膏飾毋迺自棄於先  
聖先師之道也乎凡我邑中士大夫當凜此意以  
終身况為其子孫者哉其碑有殘缺志有未全者  
續補之以示後之人

芝庭文藁卷四

記

三



誥贈文華殿大學士吏部尚書明巡按山東御史  
宋忠烈公祠堂碑

前明崇禎十一年冬

大清兵破居庸關下畿南山東大震巡撫顏繼祖  
奉部檄以所屬兵三千移鎮德州阻河為守太監  
高起潛駐兵臨清濟寧為聲援維時巡按御史宋  
公學朱出巡章邛會濟南告急策騎馳還閱城中  
兵籍僅得五百人及自萊州調至者七百人守備  
單寡人情洵懼倉卒間與諸文武官治守具先後  
七上疏求援及條上方畧皆寢不報相距九晝夜  
芝庭文藁卷四 碑 四

援兵竟不至公方率巡道官周之訓及典史田多  
善等守東南門衆譁曰城陷矣公躍馬率家丁數  
十人循城而西持白楮格鬪力屈被執懸於城樓  
被殺之訓亦死多善竄免須臾火焚樓骸盡燬有  
家丁周申者匿溝中遙望見之已而公長子德寬  
自家匍匐抵濟南求公屍不得僅獲公所遺令箭  
一及所佩巡按御史印即其地奉衣冠招魂以殮  
先是起潛既不援濟南又以失藩王故恐受誅謀  
委罪於公而公先在臺中劾楊嗣昌為所嫉遂  
交口誣公不死德寬扶喪歸公次子德宜復偕其



叔父伏闕上書而尚書徐石駢都御史張璋給事中光時亨等先後陳公死狀俱下撫按察議南渡後始贈公太常卿蔭一子入監越我

朝康熙中德宜官大學士吏部尚書贈公如其官至乾隆四十年

皇上特頒詔旨表揚勝國死事諸臣公始得易名忠烈並許子孫建祠立碑夫國家政治之太端莫切於賞忠而罰罪公無守土之責而赴義若渴見危授命其為忠甚著彼僉人者居權寵地既不能以其身執干戈衛社稷又徒逞其媚嫉之私為自芝庭文稿卷四碑

望

便之計浮雲蔽日陰陽易位而為人上者持太阿之柄亦無能正其功罪而別白之嗚呼賞罰之不明此前明之所以速其亾也

聖朝扶植人倫褒揚忠義雖勝國之臣百年以往然且為之闡遺烈發幽光况其在照臨之下有不奮發而興起者哉康熙四十三年公孫廣業以僉事為監司因建雙忠祠於濟南與知府韓公承宣並祀今四世孫通水道英玉撰恩榮錄以紀顛末爰與諸族人醵金建祠於蘇城之南園既成以麗牲之碑屬諸啟豐憶啟豐於乾隆初元奉使濟南



親拜雙忠祠下今歸故里覩廟貌之新益慕公之  
忠無已時也乃按明史及王文簡汪堯峰所紀述  
書其梗概以徵信於當世為之歌曰

仰朝旭兮東升映畫棟兮雲興盼靈旗兮戾止神  
愴恍兮來憑吹笙兮擊鼓薦嘉肴兮酌清醑序曾  
晷兮堂前永蒸嘗兮耀珪組想峩冠兮佩玦櫻危  
城子寶刀折奮絕脰兮心酸望譙樓兮火烈瞻秦  
華兮何崔嵬中

帝錫兮天閭開沂流光兮耀華閎琨玉潔兮秋霜  
皚神之返兮天尺咫矢敬恭兮桑與梓敦子孝兮  
芝庭文藁卷四 碑

望

厲臣忠亘千秋兮昭信史



右春坊右中允張君傳

張中允在常以奉母憂自京師歸吊者畢集君哀戚如初喪未逾月得暴疾卒幼子甫五齡未能述君行事予素知君稔又與君為姻戚別自京師方歲餘甫一見君面而遽成死別哀哉爰為叙其生平梗概俾張氏子孫有考焉君諱書勳字在常別號酉峯世為吳縣人居楓橋之東塘先世潛德弗耀祖卜臣公祖妣潘太宜人生三子次子松亭公諱成名以子貴

芝庭文彙卷四傳

四三

誥贈奉直大夫右中允為人坦直不黨人欺有負之者輒置弗校里中稱善人坐是家中落君生於雍正三年先後舉女兄弟四人母徐太宜人哺育甚勤篝燈督課旦暮罔懈君早慧少為文輒斐然成章年十九入吳學旋食廩餼試輒壓其曹偶癸酉學使寧化雷公拔貢入太學

廷試罷歸丙子遭父喪服除舉己卯鄉試兩試春官不第辛巳冬考補覺羅宗學教習越三年期滿引



見奉

旨以知縣用丙戌春會試中式

殿試進呈次第六

上親為掄定以對策頌不忘規特擢第一復為詩

以識之今載

御製詩三集中丁亥秋以前父喪未葬請假歸卜

地官山塢遂御母北行自是數年間與順天

分校者三與會試分校者三充湖北正考官

者一君為人恂恂善自下所為舉子業溫醇

典則無叫囂怒張之習詩賦工整流麗尤長

芝庭文集卷四

傳

四四

於應制書法韶秀每

廷試輒得前列嘗充

國史館纂修所

奏進諸臣傳未嘗不當

上意尋奉

旨上書房行走旋署

日誦起居注官陞授右春坊右中允勤于職業敬

慎備至君性至孝贈公即世太宜人患痺疾

頗劇君力致參苓以進卒得復常迎養後於

休沐時未嘗暫離



內廷所賜文綺豐貂魚鹿珍羞之物悉以奉太宜人及太宜人卽世觸暑戒塗纏哀酷烈竟殞其生殆以孝始終者也卒之年五十有四配湯氏子一說女三蔣錦城毛鴻儀及子孫希濬其婿也

贊曰德不積不崇功不累不廣積土成山風雨興焉積水成淵蛟龍興焉荀卿子之言也贈公之厚德楓江人士皆能述之宜君之步青雲而邀寵遇也伏讀

御製傳臚詩

芝庭文彙卷四

傳

四十五

上喜得君卷方以真才寔用期之而遽止於此嗚呼士之不幸豈獨在窮厄哉明乎古人立命之旨其於殒壽之際亦可以釋然矣

其坐

其坐

其坐

其坐

其坐



05369



